

清

史

稿

兵志四

鄉兵

鄉兵始自雍乾旋募旋散初非經制之師嘉慶間平川楚教匪鄉兵之功始著咸豐之季粵東寇起各省舉辦團練有駐守地方者有隨營征剿者侍郎曾國藩以衡湘團練討寇總鄉兵爲勇營以兵制部勒之卒平巨憝其始皆鄉兵也而邊徼之地則有鄉兵其在東三省者則甯古塔以東之赫哲部克雅克部混同江東北之鄂倫春部不設佐領惟設鄉兵姓長其在黑龍江者有打牲人在江以南之錫伯卦勒察江以北之索倫達胡爾則附屬於滿營在蒙古者蒙兵而外有奇古民勇在山陝邊外者有番兵有俗兵在四川雲南貴州邊境者有夷兵有土司兵有黑裡勇士在西藏者有藏番兵皆與內地鄉兵不同故不詳其各直省之鄉兵曰屯練曰民壯曰鄉團曰獵戶曰漁團曰沙民額數之多寡不齊器械之良窳不一餉章之增減不定良以聚散無恒故與額兵迥異無

編制之可紀茲特志其始末於後焉雍正八年鄂爾泰平西南夷烏蒙之亂調官兵萬餘人鄉兵半之遂定東川是爲鄉兵之始乾隆三十八年用兵小金川定邊將軍溫福定西將軍阿桂疏言調滿洲兵道遠費重不如多用鄉兵人地相宜四川鄉兵以金川屯練爲強自平定金川以後設屯練鄉兵其糧餉倍於額兵分屯大小金川兩路春夏訓練秋冬蒐獵有戰事則搜剿山路退兵則爲殿後之用嘉慶初苗疆事起傅鼐以鄉兵平苗功冠諸將詔以鼐總理邊務令各省督撫以鼐練鄉兵之法練官兵川楚教匪之役官兵征討而鄉兵之功爲多其助績最著者文臣則四川按察使劉清武臣則四川提督桂淩湖北提督羅思舉各統鄉兵分路剿寇大小數百戰遂奏虜功嘉慶十七年以雲南邊外野夷猘匪肆擾而緬甯騰越各盜皆瘴癰之地難駐官兵乃練鄉兵一千六百人以八百人駐守緬甯之內野山梁等處以八百人駐守騰越蠻章山等處省官兵征調之勞其時苗疆底定亦增設鄉兵凡屯丁七千人訓練之暇開墾屯防田數十萬頃道光二年令直隸疆臣招集團練修築土堡互爲策應十五年

令各州縣額設民壯一律充補訓練復令各省民壯每月隨營操演範以紀律  
是年調大小金川鄉兵千名給以千人之糧隨營征戰歸屯則仍食五百人之  
糧二十一年令山東巡撫於蓬萊黃縣榮城南海掖縣膠州卽墨所屬之十三  
縣編練鄉兵互相防衛又令沿海疆臣仿浙江定海縣土堡之法凡近海村落  
招募鄉兵興築土堡以聯聲勢二十三年令廣東省以團練助防海口旋疆吏  
疏言廣東民風宜於鄉團招集已得十萬人以升平學社爲團練總匯之區推  
及韶州廉州等處一律舉行二十六年令各州縣民壯隨營考察技藝是年甘  
肅沿邊番賊肆擾令疆臣召募獵戶千人編爲一軍供遠探近防之用及道光  
五年張國樑募廣東潮州鄉兵追逐粵寇轉戰東下卒以廣悍不馴遂至潰散  
咸豐二年令在籍侍郎曾國藩辦理湖南鄉團旋國藩疏言先行練勇一千人  
所辦者乃官勇非團丁是爲鄉團改勇營之始三年令山東登萊青三府舉辦  
縣莊團練給以兵械四年令甘肅沿邊增募獵戶三千人以防番騎八年安徽  
巡撫翁同書疏言皖省定遠壽州合肥等縣舉辦團練旬日之間遠近響應和

州蹠賊屢出焚掠多被鄉團擊回以其深明大義踴躍同仇凡董事團總人等傳諭嘉勉九年河南巡撫恒福疏言皖寇進逼豫境令道府大員於接近皖寇之地舉辦鄉團睢州等州縣興築堡寨已數十處旋諭河南官紳訓練鄉勇聯村築寨迅速舉行十年諭勝保等督辦鄉團以資統率酌定章程凡辦團州縣一律遵行惟鄉團更番調營所領糧餉易滋流弊毋得冒濫又諭江蘇等省在籍紳士除已經辦理團練外其明曉大義律身公正者自不乏人所有在京籍隸江蘇安徽浙江河南等省之六小官員將如何舉行鄉團隨同官兵勦賊及防守等一切事宜各陳所見各舉所知迅卽上聞尋侍郎沈兆霖疏陳自咸豐三年以後迭奉朝旨舉行鄉團已至再至三各省官紳士民未嘗不遵旨辦理而賊勢披猖卒無成效良由苟且塗飾未經實力講求或募勇以充數徒取外觀或藉端以營私轉成欲壑無事則恃爲威脅擾害鄉閭有警則首先遁逃流爲盜賊議者幾鄉謂團之無益而有損矣不知名爲民團卽當以民爲團不可以募勇塞責也民統於紳則紳之邪正宜慎擇也紳倚於官則官之賢否宜

嚴辦也不歸并於一路則督察無人必不能一律堅固不專力於四鄉則城守雖嚴已難免四面受敵官與紳宜兩相孚不宜兩相阨兵與民宜兩相顧不宜兩相仇任封疆者當知民本吾民用兵數少何如用民數多任將帥者當知兵本衛民我能救民自然民能救我現在賊氛猖獗非實辦民團更無安全之法乃擬上事宜十二條一民團須招本地有業之民不可招市井無賴也一宜分別地段以近賊一二百里爲最要距賊稍遠中隔一二縣者爲次要其遠在三四百里外者則從緩辦團也一各州縣要地宜一律辦團無使一處疏漏俾寇得乘隙而入也一辦團宜四鄉加密有警則互相應援無事則嚴詰奸宄庶城守完固也一牧令宜擇賢能與辦團之紳不得各存意見亦不得任用劣紳也一宜簡道府大員分路辦團俾各縣聯爲一氣也一民團有急官兵速往救援不得觀望也一宜擇要設卡盤查也一民團祇可就地助戰不宜調遣變爲練勇失其恒業也一立功宜卽獎勵視官兵稍優也一團費宜自捐自辦不得藉端漁利也一民團辦成則分防之兵可省集合成軍攻勦更爲得力也同時應

詔陳言者有載垣等所議團練章程十條賈楨等所擬辦理章程八條旋命順天府府丞毛昶熙爲督辦河南團練大臣南汝光道鄭元善幫辦團練事宜按照怡親王載垣等所擬章程辦理命戶部右侍郎杜翻爲督辦山東團練大臣登萊青道貢瑛登州府知府盧朝安幫辦團練事宜按照大學士賈楨等所擬條欵並參酌河南章程體察情形辦理又以皖南地方緊要應一律辦團令兩江總督曾國藩察看情形擇其諳練軍務素有人望者的保一人卽令督辦皖南團練事宜旋曾國藩覆陳鄉團本是良法然奉行不善縣官徒借以斂費局紳亦從而分肥誠至則先行潰逃誠退則重加苛派轉爲地方之弊所經過各省從未見有鄉團能專打一股專克一城者不過隨官兵之後勝則貪財敗則先奔常藉口於工食之太少而辦理歧異者每多給錢文團丁所領之餉與官勇例價相同且有過之其取之民間無非勸捐抽釐之類是於團練已失其本義於軍餉又大有妨礙今奉諭舉行皖南團練皖南嶺隘紛歧若築碉設卡有險可憑徽甯各要隘宜擇地築碉以資防守有在籍翰林院編修宋夢蘭當誠

由太平縣竄擾徽州宋夢蘭督帶練丁協力嚴守衆論翕然請卽以該員辦理  
皖南團練事宜會同委員董勸各屬紳民興築碉塞其未經克復者官兵攻勦  
概不令團丁隨往其已經克復者紳耆修碉團丁守之庶幾軍民兩利名實相  
符矣又以四川地屬巖疆毗連雲貴滇匪滋擾未能肅清嘉慶間四川舉辦鄉  
團行堅壁清野之法著有成效自應仿辦所有應行事宜諭四川在京各員就  
地方情形各抒所見官紳中有練達時務者各舉所知以俟後命同時尙書陳  
孚恩等以江西毗連安徽浙江廣東等省疏請辦理團練酌保辦事人員並擬  
團練事宜八條疏入允行命在籍翰林院修撰劉繹爲江西督辦團練大臣吉  
南贛甯道沈葆楨甘肅安肅道劉于溝幫辦團練事宜按照陳孚恩等所擬章  
程妥爲辦理同時督辦河南團練大臣順天府府丞毛昶熙疏陳團練辦法並  
酌擬規條一添築堡寨以扼要隘一講求險要以便堵禦一慎擇首事以資統  
率一分選團丁以備訓練一攢派練費以備公用一互爲聲援以資聯絡一申  
明號令以壹衆志一嚴定約束以禁頑暴一秉公賞罰以示勸懲一嚴察奸宄

以防內應一旌表忠義以作民氣一事貴實力以冀成功疏入允行毛昶熙又疏陳河南團練以歸陳二府爲先前統兵大臣勝保因調團不齊勒派百姓出資雇丁統計勇糧運費較正供多至倍蓰百姓苦累紛紛稟請以抽丁一項民力已竭鄉團勢難再辦其開封等府百姓聞歸陳雇勇之苦亦復觀望不肯實辦團練之事仍恐有名無尋奉諭用民之法總宜深得民心勝保等所辦章程既與民心不洽自應改絃更張以期得力慶廉卽體察情形將此項雇勇酌量裁撤毛昶熙按照載垣等會議章程速卽集團練勇以輔兵力又以甘肅控制西陲地方遼闊且與陝西四川毗連匪患未靖自應一律舉辦團練以靖邊陲所有甘肅省團練事宜卽命陝甘總督樂斌督辦並命甘涼道蕭凌蘭刑部員外郎吳可讀江西候補道楊昇幫辦團練十一年以歸化之番衆俗兵四千餘人馬四千餘匹防禦抱罕羌人是年奉諭鄉團之設原以濟兵力所不逮必須官紳一體兵勇同心協力內靖土匪外禦賊氛於地方庶有裨益若如清盛疏劾山東章邱縣之水賽街新城之南婁里等莊以及博山萊蕪等縣鄉團遇

有經過客商往來差役輒敢擅行殺戮害及無辜撫署之差弁馬匹亦被刦奪是團練禦賊尙無成效而抗官滋事竟有滋蔓之勢巡撫譚廷襄速將清盛所奏各情嚴密查訪如有藉團爲名肆行不法及私立黑團聚衆抗官立卽嚴懲又諭浙江巡撫前以浙省軍務未平籌辦團練勸諭指輸原以保衛民生若如王履謙疏劾辦團情形雜亂無章勸捐委員令捐戶加捐至數十倍之多並於捐戶加以威逼今賊氣逼近浙東若因勸捐辦理不善致失人心必致激成內訌巡撫王有齡速卽會同王履謙妥爲勸辦議定章程不得徇私委派貪劣之員是年左副都御史潘祖蔭疏言各省設立團練大臣辦理年餘曾無一效請獎請叙紛紛效尤並未克復一城其爲無益已可概見應將團練大臣分別裁撤以一事機而節糜費翰林院侍講學士顏宗儀疏言鄉團之設原以百姓之財力衛百姓之身家果能衆志成城同仇敵愾卽一舉貢生監足以統領之無俟大員爲之督率若必以大僚繼任之督辦司員分理之是督撫之外又設督撫僚屬之外又增僚屬徒滋紛擾上年豫省辦團各省團練大臣亦紛紛四出

旋因浙江四川陝西甘肅等省情形不同旋卽裁撤而直隸山東江南江北等處則仍歸山團練大臣辦理於是督辦人員假公濟私百端紛擾或偪勒州縣供應或苛派民間銀錢或於官設捐局之外團練再設捐局或於官抽釐金之外團練再抽釐金或查閱各處團防支應紛煩地方告乏或任令家人奴僕勒索規費約束不嚴幫辦人員或十餘人或數十人薪水所出皆刻剝民間刁生劣監因以把持地方狡吏貪夫藉以希圖名利流弊實多各省團練大臣直隸桑春榮操守尙嚴山東杜翹已嘗有煩言至於江北江南所辦鄉團自上年至今未聞有團練大臣收復一州一縣者徒以騷動天下無益有損今山東杜翹已經撤回河南毛昶熙較有成效其直隸江南江北等處團練大臣宜一并撤回其各省州縣距賊較遠者停止辦團以安民業其距賊較近之處仍責地方官切實辦團而以本省督撫總其成庶事權不至紛歧商民可免滋擾旋奉諭直隸團練大臣桑春榮回京供職直隸團練事宜責成文煜辦理江西團練大臣劉繹來京任用江西團練事宜責成毓科督同官辦理其二省京官如有

回籍辦團者各部院查取職名飭令來京供職江北團練大臣晏端書江西團練大臣龐鍾璐其辦理團練是否仍須該員經理抑或即可裁撤令曾國藩薛煥速議以聞王履謙幫辦浙江團練兼辦浙東捐務今浙江軍務方殷自難遽撤令王有齡會同王履謙切實籌辦以固疆圉毛昶熙在河南歸德著有成效應否仍令毛昶熙督辦團練及有無把握之處令嚴樹森速議以聞旋兩江總督曾國藩覆陳團練之設只能防小支千餘之游匪不能勦大股數萬之悍賊其練丁口糧若太多則與募勇之價相等不必僅以團名若太少則與官勇之餉迥殊不能得其死力其團防經費若取諸丁漕釐捐四者之中則有礙督撫籌款之途若設法四者之外則更無措手之處事權既無專屬剛柔質貳兩難晏端書在江北不設餉局但勸各邑築圩自保龐鍾璐在江南激勸鄉民俾知同仇敵愾之義辦理極有斟酌今之賊勢決非鄉團所能奏功應俟賊氛稍衰大功將成然後辦團練以善其後晏端書龐鍾璐二員清操雅望內任最宜應請裁去團練差使回京供職疏入允之同治元年諭鄉團之設原以使民自衛

身家藉可保全地方以補官兵前因各路辦理團練大臣隨帶多員任意騷擾  
有害無利是以陸續裁撤仍責令地方官切實經理乃邇來統兵大員守土牧  
令或恐其分崩而輕爲裁撤或疑其無益而視為具文於是民心不固盜賊橫  
行所過州縣村莊動遭劫掠是又地方官不能因地制宜舉行團練之所致因  
噎廢食貽誤殊多嗣後各省團練仍由督撫臣通飭各州縣選公正紳士實力  
與辦務使官不掣肘民悉同心城市鄉村聲勢聯絡其有認真辦理保全地方  
者將其實在勞績聲明保獎二年以都察院代遞山東貢生朱德秀條陳團練  
事宜語多可采命朱德秀回籍隨同英桂趙德轍辦理團練並命英桂督飭官  
紳就地方情形認真辦團毋得有名無實是年統兵大臣僧格林沁疏言各省  
練團築寨本以助守望而禦寇盜爲權宜補救之法乃各團每以有寨可據輒  
藐視官長擅理詞訟或聚衆抗糧或挾仇械鬪甚至謀爲不規踞城戕官如山  
東之劉德培河南之李曉先後倡亂而安徽之苗沛霖尤爲梟桀反復勞師糜  
餉始得次第剪除辦團之舉始則合一鄉爲一團繼則聯衆團爲一練地廣人

多良莠不齊不肖團長有跋扈情形承辦團練紳士又不能杜漸防微隨時舉發致有尾大不掉之勢况捻匪屢經竄擾之區亦未見各團堵禦得力其河南團練均由侍郎毛昶熙管理毛昶熙於通省地方勢難周歷兼顧而各練既有專管大員地方官轉至呼應不靈今賊氣漸平請命毛昶熙回京供職所有團練視直隸山東之例歸地方官經理以一事權並請飭河南巡撫嚴查各團如有增置軍械等事均責令稟請地方官允准置備如不肖團長借修圍製械種種斂錢以致苦累鄉民卽從嚴懲辦庶幾權歸於上免滋流弊御史裘德俊疏言團練之舉本屬有治人無治法今直隸善後章程有抽撥鄉團訓練之議但借端苛斂抽丁派費吏胥因緣爲奸上下咸思中飽小民已不聊生加以每縣聚衆數百人游手無著以強凌弱甚或恃衆把持一有亂萌尤易響應不可不遠慮及之旋奉諭山東鄉團已由官爲經理所有河南省團練事宜亦統歸官辦以一事權其直隸抽練團丁督臣劉長佑權其利害是否可行如有窒礙之

處卽據實以聞六年李雲麟招募奇古民勇駐八里岡與科布多塔爾巴哈台蒙兵爲犄角七年諭各疆臣擒寇蕩平勇士亦各還鄉里誠恐江南安徽河南山東從前被兵處所不免伏莽潛匿乘隙爲害江皖等省督撫於徐海賴毫歸汝曹沂等處飭各地方官勸諭民間照舊修理圩寨整頓鄉團互相保衛此外各處民團亦應一律整飭慎選牧令安良除暴以靖地方十二年因四川峨邊廳蠻族投誠擇充千百戶等職編制夷兵建修碉堡光緒六年兩廣總督張之洞募沙民千人助守虎門楊玉科增募千人及惠清營五百人鄭紹忠募安勇二千人所募鄉兵以防勇規制編之是年命黑龍江將軍於增練馬隊外秋冬之季招集打牲人等加以訓練八年兩江總督左宗棠以江蘇沿江海州縣捕魚爲業者甚多於內江外海風濤沙線無不熟諳而崇明尤爲各海口漁戶爭趨之所其中有技勇而悉洋務者所在不乏外洋船駛入內江者每用漁戶爲導江蘇自川沙迄贛榆二十二州縣濱臨江海漁戶約數萬人乃令蘇松太道員爲沿海漁團督辦於漁戶每百人中選壯健三十人練漁團五千名設總局

於吳淞口設分局於濱海各縣每月操練二次習水勇技藝用以捕盜緝私兼備水師之選十一年雲貴總督岑毓英釐定雲南通省營制獵黑勇士編爲六營西南土防編爲二十五營又因雲南沿邊由西而東南皆野人山寨布列於九隆之外乃調兵二千人與原有防軍及鄉團土司協力警備督辦廣東軍務大臣彭玉麟以欽州廉州地廣兵單招募鄉團協守是年吉林將軍增練防軍佐以烏拉牲丁凡萬五千人二十四年都察院代陳湖南舉人何鑲圭條陳團練事宜命兵部議奏又諭侍郎張蔭桓疏請實行團練同時臣工屢有仿西法練民兵之請若各省實行團練卽以鄉團爲民兵用更番替換之法較諸遠練民兵爲有把握廣西會匪滋事尤宜速辦以收捍禦之功各省督撫一律切實籌辦各省於三月內廣東廣西於一月內將辦理情形具疏以聞三十年廣西巡撫柯逢時令廣西各州縣增募鄉勇八千人給以毛瑟後膛槍並令民間多築碉堡共禦外侮三十一年兩廣總督李經義增練防營並募土著鄉兵備廣西邊境新疆巡撫潘效蘇以新疆兵費太重改募土著仿勇營訓練次第遣散

客軍三十四年雲南防軍裁并於騰越臨安兩路創設團練藉資捍衛宣統元年各省改防營爲巡防隊雲貴總督沈秉堃以雲南防軍內有各屬之保衛團係昔日之鄉團名爲營隊實卽鄉兵未能遽改爲巡防隊乃仍其舊此鄉兵舉廢之概略也

兵志五

土兵

土兵惟川甘湖廣雲貴有之調征西南常得其用康熙間莽依圖戰馬寶於韶嶺猺兵爲後援傅宏烈平廣西亦藉土兵義勇之力乾隆征廓爾喀調金川土兵五千討安南以土兵隨征傅恆征金川疏言奮勇催敵固仗八旗嚮導必用土兵小金川土兵尤驍勇善戰岳鍾琪平西藏咸同間討黔蜀髮匪其明效也古西南夷多梁瓠遺種曰獠曰狶曰獮曰猺曰苗其後蕃衍有西番僰人擺夷麼些貉獮咱哩猓獮狼猺等目苗蠻種類尤多如花苗紅苗花疙佬紅疙佬白猓獮黑猓獮皆是土兵多出其中故驍強可用土兵之制甘肅四川兩廣湖南雲貴或隸土司或屬土弁或歸營汛甘肅土兵附番部四川土兵附屯弁屯募湖南土兵附練兵屯兵別有番民七十九族分隸西南西藏茲並述于篇

甘肅土兵

狄道州 臨洮衛指揮僉事轄十五族 河州指揮僉事轄四十八戶 韓家集指揮使轄二族

岷州宕昌城指揮使轄十六族 攢都溝外委百戶轄四十一莊 麻童里外委土官轄二族 閭井外委百戶轄十一莊 歸安里副千戶轄土民四十八族番民四十三族

洮州聽卓泥堡指揮使兼護國禪師轄五百二十族馬兵五百步兵千五百土守備一千總把總四外委七 賚卜指揮使轄七十六族土守備一千總把總外委各二馬兵五十步兵百 著逸百戶轄七族兵十人 西甯縣寄彥才溝指揮使轄八族土千總一把總二馬兵五十步兵百 陳家臺指揮使轄一百十二戶土千總把總各一馬兵五步兵二十 乞塔城指揮使轄四十八族土千總把總各一馬步兵各五十 納家莊指揮僉事轄百二十戶土千總把總各一兵二十五人 西川海子溝指揮僉事轄番民十八戶土民三十戶土千總把總兵額同上 亂迭溝指揮僉事轄九十戶土千總把總兵額同上 循

化廳土千戶轄西鄉上四工韓姓撒拉，保安堡土千戶轄東鄉下四工馬姓

撒拉

撒拉不同番回似羌而華回教舊十  
三工今隸循化八工餘隸巴燕戎格

亂藏土百戶轄五族

大通縣大通川土千戶轄五族

磧伯縣勝番溝指揮同知轄七百戶土千總二把總四馬步兵百 上川口指

揮同知轄四千戶土千戶一百戶二土千總四把總六馬步兵三百 趙家灣

指揮同知轄百二十戶土千總把總各一馬兵五步兵二 白崖子指揮同知

轄百五十戶兵二十五 美都川指揮僉事轄三百戶土千總把總各一兵二

十五 朱家堡指揮僉事轄六十二戶兵二十五 米拉溝指揮僉事轄七十

戶土千總把總各一馬步兵二十五 九家巷百戶轄百餘戶兵二十五 王

家堡百戶轄百餘戶兵二十 喇守莊指揮僉事轄七十二戶

莊浪掌印土司指揮使轄指揮僉事指揮使指揮同知正副千戶各一百戶二

土民十旗番民八旗文職隸甘涼道武職隸西寧鎮 紅山堡掌土司印指揮

僉事兵五十 古城及大營灣指揮使大通峽口指揮同知古城正千戶馬軍

堡副千戶西坪正千戶西六渠百戶均率親丁効力不轄土民

永昌縣流水溝寺千戶轄番民五旗

甘肅番部

狄道州三族河州十八族皆康熙時舊族雜處二十四關內

洮州廳八族大小九十餘處亦曰南番 土司楊積慶屬番民五百二十族

皆天錫屬番民七十六族 楊永隆屬番民七族 著洛寺僧綱楊溯洛旺秀  
轄番民二十三族 麻爾寺僧綱馬昂旺丹主轄番民二十一族 圓成寺僧  
正侯洛扎旦主轄番民四族

岷州熟番四十三族舊屬土司後爲歸安里惟白水江以南南山內外皆黑番  
所在亦稱若瓦南山以東馬土司轄以西楊土司轄凡番寺三十五所轄番民  
竜古喇哈等二十四族

文縣番族五百族番地二十二處 馬百戶番地二十八處雍正八年改番歸  
流曰新民

西甯縣番民十三族番寺三十八族

貴德廳熟番舊五十四族存五族生番舊十九族存五族野番十九族俱插帳河濱番寺大者六所

循化廳口內熟番十二族口外西番四十九寨口外南番二十一寨

丹噶爾廳南部熟番一族河南西番八族

武威縣峽溝番民三族沙溝一族上下大水寺五族南山八族

鎮番縣八力曼插漢番民一族

永昌縣番民五族

古浪縣東山圍場溝番民四族 黃羊川五族 柏林溝二族

平番縣熟番三十六族舊十餘萬丁同治間存千餘人番寺十四所 洛洛城十三堡番民八族二千三百餘丁

張掖縣唐烏忒黑番三族康熙間給首領劄衛 撫彝通判轄西喇古兒黃番五族唐烏忒黑番三族八族設正副頭目給守備千總職銜番民俱充兵伍

高臺縣唐烏忒黑番一族每壯丁一納馬一匹入營 西喇古兒黃番一族隸紅崖營

四川土兵

松潘廳中營所屬土司七寨土百戶二千戶五 左營所屬土司二寨土千戶百戶各一 右營所屬土司一寨土百戶一 漳臘營所屬土司五十二寨土千戶十四百戶二十五土目十三 平番營所屬土司二寨一寺土千戶三南坪營所屬土司二寨寨首二人

茂州壩溪營所屬土司六寨土千戶一百戶各一

龍安府龍安營所屬土司隘口一堡一長官司一土通判知事各一

雜谷廳維州協左營所屬土司宣慰司一轄大小二十八寨 右營所屬土司宣慰司一轄十九寨長官司三轄四十五寨

茂州營所屬土司長官司一副長官司一安撫司土巡檢各一

懋功廳懋功協所屬土司安撫司宣撫司各一轄大小四十六寨

建昌鎮中營所屬土司河東長官司一土百戶三土目十一民戶皆獮羅部落  
阿都正長官司一轄土目四人阿都副長官司一轄土目十一民戶皆苗夷  
沙屬宣撫司所轄土目五十民戶皆蠻夷 右所屬河西土千總一土目四  
民戶皆平夷

越雋廳越雋營所屬土司邛部宣撫司一土目十一 寓越營所屬煥帶密土  
千戶一轄鄉總七土目一 煥帶田墻土千戶一 松林地土千戶一轄土百  
戶五以上民戶皆番夷

鹽源縣會鹽營所屬土司木里安撫司一 瓜別安撫司一 馬喇副長官司  
一 古柏樹土戶一 轄土目二 中所左所轄土目一右所土千戶各一 前  
所後所土百戶各一 以上民戶皆番夷

冕寧縣冕山營所屬土千戶土百戶十三土目四村戶皆夷也  
會理州會川 所屬營司土千戶三土百戶四民戶皆番也 永定營所屬土  
千戶一村戶皆夷也

打箭爐泰甯管所屬沈邊長官司一 冷邊長官司一 民戶皆番也

天全州黎雅營所屬穆坪宣慰司一

清溪縣黎雅營所屬土千戶一 土百戶二

打箭爐卓和協所屬明正宣慰司一 土千戶一 土百戶四十八 革什咱安撫司一 巴底宣慰司一 喇袞安撫司一 霍耳竹嵩安撫司一 轄土千戶百戶各一 章谷安撫司一 轄土百戶四納林冲長官司一 瓦述色他長官司一 瓦述更平長官司一 瓦述保科安撫司一 以上戶皆土民多少不等

德耳格式宣慰司一 軄土百戶六民戶皆番 霍耳白利長官司一 霍耳咱

安撫司一 軄土百戶二 霍耳東科長官司一 春科安撫司一副土司一

上瞻對茹長官司一 峨納土千戶一 蒙葛結長官司一 林貢安撫司一

上納奪安撫司一 軄土千戶一百戶三 下瞻對安撫司一 轄土百戶二

上瞻對撤墩土千戶一 中瞻對茹色長官司一 以上戶皆土民

上述土司其中如春科等有已納印者清季設專官治之三瞻曾畀西藏爲其

轄境其後邊衅屢生宣統初收復

裏塘糧務所屬裏塘宣撫司一副土司一轄長官司三土百戶二戶皆番民

巴塘糧務所屬巴塘宣撫司一副土司一轄土百戶七戶皆土民

石砫廳夔州協所屬宣慰司一

一土通判  
乾隆間改

瀘州瀘州營所屬長官司一

雷波廳普安營所屬土千總一土舍二 安阜營所屬土舍一 屏山縣所屬

長官司四以上民平皆番夷

馬邊廳馬邊管所屬土千戶一百戶九土外委一

峨邊廳歸化汎冷磧汎所屬領夷十二地夷人頭目十二 赤夷十三枝 膽

巴家土千總把總各一轄頭目四 哈納家土千總把總各一轄頭目三 蜀

瓜家千總一把總二轄頭目二 魁西家土千總把總各一以上民戶娃子爲

多

姓子者漢人被  
入夷渠之名

四川屯弁

雜谷廳維州協所屬雜谷腦屯守備一轄屯千總二屯把總四屯外委八乾  
堡寨上孟董下孟董九子寨均屯守備一轄千總把總外委十四以上民戶皆  
番

懋功廳懋功協所屬撥拉八角碉屯守備一千總把總外委六撫邊屯所屬  
屯把總一撥拉漢牛屯守備一千總把總外委六撫邊屯所屬撥拉別思  
滿屯守備一千總把總外委七馬爾富屯外委一曾頭溝千總一章谷屯屬  
撥拉屯守備一千總把總外委八分轉宅壘屯把總一外委四崇化屯屬促  
侵河東屯守備一千總把總外委十五綏靖屯屬促侵河西屯守備一千總  
把總外委二十四以上戶皆屯番

四川已廢土司

建昌道所屬天全六番招討司副招討司各一 大涼山阿都宣撫司一 建  
昌壩南路安撫司一 河西宣慰司一 土百戶四 番札等處土百戶三 北  
路向沙關土千戶一

冕山營所屬審番安撫司一土百戶二 皮羅木羅等處土百戶四頭人三枝  
靖遠營土百戶四頭人四枝 凉山等處番夷頭人六枝 如昆等處頭人  
九枝 冕山營徵收土千戶及頭人二枝

雅州府屬司徒一大國師一

打箭爐屬中瞻對長官司一

川東道屬宣慰司長官司各一

松茂道屬雜谷土司一

兩廣土兵

廣東高州府 茂名縣猺兵六百六十四狼兵六百六十六轄 山四十四  
電白縣獮兵百六十五轄猺山二十一 信宜縣猺兵百七十七狼兵五百九  
十五轄猺山四十一 化州猺兵五百二十四狼兵百九十四轄猺山五十一  
石城縣猺兵四百九十七轄猺山二 廉州府牛籐閘狼總一兵四十六  
馬頭閘狼目一兵十五 水鳴閘狼目一兵三十四 冷水閘狼目一兵二十

三 九義關狼目一兵十四 沙尾關狼目一兵二十 篠柯關狼目一兵二  
十 丹竹關狼目一兵十九 樟木關狼目一兵三十

廣西桂林府 龍勝廳二堡堡目各一 臨桂十三堡堡目十三 靈川五堡  
一隘堡目五隘長一 永寧州二鎮狼長二 永福十一堡堡目十一 義寧  
五堡堡目五 金州隘長六 以上各土兵自二十四至二百九十二灌陽狼  
兵最少臨桂最多

柳州府 雜容土舍一堡目三 羅城十五堡堡目十五 柳城二十一堡堡  
目二十一 融縣二堡堡目二 以上土兵自十四至二百六十五融縣最少雜  
容最多

慶遠府 宜山堡目一 天河堡目一 河池州堡目一 思恩堡目一 東  
閩土州目一 永定土司一 永順正副土司各一土兵自三十二人至百十  
人惟那地土州兵二百八十南丹土州兵五百十二土州又各分兵五十屬德  
勝廳又忻城土縣兵三百數爲最多

恩思府 上林土舍頭目總練三十八兵五百七十五爲多 土田州兵四百  
陽萬土州判兵三百次之 土上林縣兵三十武緣堡兵五十爲少

平樂府 恭城鳳皇堡隊長六 賀縣田總一哨長三隊長十四 荔浦堡目  
二 修仁堡目五 永安土舍二以上土兵自六十五至三百十荔浦最少永  
安最多

梧州府 岑溪狼總狼目 懷集耕總哨長耕兵撫兵二縣兵皆逾三百

潯州府 桂平平南貴縣皆狼兵武宣爲土勇士兵自三四十至三百十四不  
等

南寧府 宣化土勇隆安隘兵 橫州狼兵永淳狼兵耕守兵 邉隆土峒兵  
自三十至三百不等

太平府 龍州廳屬下龍土司兩關三卡十四隘 明江廳屬上石西州兵  
崇善兵安平土州兵 萬承土州九甲兵應調連糧及六坊土兵 茗益全茗  
龍英信倫鎮遠思陵等土州兵 土江州兵 土思州兵 下石西土州兵

上下凍土州兵 羅陽土縣兵 上龍土巡檢隘兵以上至四五十至五百不等如都結土州頭目三兵十六爲極少土思州兵七百餘太平土州兵千餘爲最多

鎮安府 府額土兵 小鎮安廳土勇 天保兵 歸順州隘兵湖潤寨隘目兵 都康上映兩土州兵 下雷土州土勇自三十至一百五十不等惟向武土州土目二百二十土兵額千二百其最多者也

鬱林州 北流狼兵 隘川狼目狼兵 興業狼兵皆不過三五十綜廣西土兵蓋萬三千八百有奇

### 湖南土兵

湖南苗疆鳳凰廳設中營右營守備各官苗兵二千練兵千屯兵四千 乾州廳設守備各官苗兵八百屯兵六百 永綏廳設守備各官苗兵千八百屯兵二千 永順縣設守備各官苗兵屯兵各百 保靖縣設守備各官苗兵屯兵各三百嘉慶十年設屯弁統屯丁原有備戰練兵千人準營制操習著爲例

雲南土兵

鎮遠廳 大雅口土都司各一

麗江府 大山英竹寨土守備各一 中甸迭巴土守備二

鎮邊廳黃草嶺 杉木籠隘 六庫 阿敦子 猛遮 普寧縣普驛 維西

廳奔子闢 元江州 雲龍州老窩 威遠廳猛戛 永北廳羊坪 保山縣

登梗 舊掌 麗江府 新平縣斗門磨沙 大中甸神翁 小中甸神翁

中甸江邊神翁 中甸格沙神翁 中甸泥西神翁 鎮邊廳猛角猛董 圈

羈子總各一 臨安府稿吾卡 潤洞 奔子欄 阿敦子 澜滄江 臨城

其宗喇普 思茅廳倚邦 易武 猛獵 六順 猛寵 橄欖壩 猛旺

整董 他郎廳儒林里 定南里 威遠廳猛戛 猛班 滬越廳大塘隘

明光隘 古勇隘 卵照 下猛引 賢官寨 募乃寨 東河 元江州

永豐里 茄革里 喇博 他旦 老是達 岩旺 烏猛 烏得土把總各

一迭賓土把總五 中甸江邊 小中甸迭賓 中甸格咱 中甸泥西土

把總各三

鎮邊廳大山分防 猛弄掌寨 猛喇掌寨 水塘掌寨 五敵掌寨 五邦  
掌寨 者米掌寨 苗桶壩掌寨 馬龍掌寨 瓦遮宗哈正掌寨 瓦遮副  
掌寨 宗哈副掌寨 斗岩掌寨 阿土掌寨土外委各一 寶川州赤谷里  
保山縣練地 武定州勒品甸土巡捕各一

止那隘 猛豹隘 塚竹隘 黃草嶺隘撫夷各一 八關撫夷 銅壁關萬  
仞關神護關巨石關鐵壁關正副撫夷各有努練土兵自二十五六戶至百五  
十餘戶 虎踞關天馬關漢龍關正副撫夷

貴州土兵

貴陽府屬 中曹長官司 養龍長官司 白納長官司副長官司 虎墜長  
官司

定番州屬 程番長官司 上馬橋長官司 小程番長官司 蘆番長官司  
方番長官司 草番長官司 臥龍番長官司 小龍番長官司 金石番

官司 羅番長官司 大龍番長官司 木瓜長官司副長官司 麻向長官司

開州屬 乖西長官司副長官司

龍里縣屬 大谷龍長官司 小谷龍長官司 羊場長官司

貴定縣屬 平伐長長官司 大平伐長官司 小平伐長官司 新添長官司

司

郎岱廳屬 西堡副長官司

歸化廳屬 康莊副長官司

永寧州屬 頂營長官司 沙營長官司

鎮遠府屬 偏橋長官司 叩水長官司

黃平州屬 嚴門宣化長官司

思南府屬 蟬夷長官司 朗溪長官司副長官司 沿河祐溪長官司副長

官司

平越州屬 楊義長官司

思南府屬 都坪長官司副長官司 都素長官司副長官司 黃道溪長官司副長官司 施溪長官司

黎平府屬 潭溪長官司副長官司 歐陽長官司副長官司 龍里長官司  
亮寨長官司 中林驗洞長官司 古州長官司 湖耳長官司副長官司

八舟長官司 新化長官司 洪洲泊里長官司副長官司  
都勻府屬 都勻長官司副長官司 邦水長官司

麻哈州屬 平定長官司 樂平長官司

獨山州屬 煙土長官司 豐甯上長官司下長官司

銅仁府屬 省溪長官司副長官司 提溪長官司副長官司

松桃廳屬 烏羅長官司副長官司 平頭著可官司副長官司

西藏土兵

雍正九年新撫南稱巴彥等處番民七十九族地居四川西藏西寄間十年夏

川藏暨西寧分遣專官會同勘定近西寧者歸西寧管轄近西藏者暫隸西藏云

西寧管轄四十族 阿哩克族 蒙古爾津族 羅希葉布族 玉樹族 嘴  
爾布族 蘇魯克族 尼雅木錯族 固察族 稱多族 洞巴族 多倫尼  
托克安圖族 阿薩克族 克列玉族 克阿永族 克葉爾濟族 克拉爾  
濟族 克典巴族 隆布族 上陸布族 札武族 上札武族 下札武族  
札武班右族 上阿拉克碩族 上隆璫族 下隆璫族 蘇爾莽族 白  
利族 哈爾受族 登坡格爾吉族 下格爾吉族 格爾吉族 巴彥南稱  
族 南稱桑巴爾族 南稱隆冬族 南稱卓達爾族 吹冷多拉族 巴彥  
南稱界住牧喇嘛 拉布庫克住牧喇嘛

西藏管轄三十九族 納書克貢巴族 畢魯族 疣盆族 達格魯族 拉  
克族 色爾札族 札嘛爾族 阿札克族 上阿札克族 下阿札克族  
夥爾川木桑族 夥爾札麻蘇他爾族 夥爾札麻蘇他爾 只多族 瓦拉

族  
夥爾族 麻魯族 審塔 尼札爾 參麻布瑪 尼牙木札族 利松  
麻巴族 勒達克族 多麻巴族 革巴族 依戎夥爾族 夥爾族 彭他  
麻族 夥爾拉賽族 上剛噶魯族 下剛噶魯族 瓊布拉克魯族 噶魯  
族 色爾札族 上多爾樹族 下多爾樹族 三札族 三納拉巴族 樸  
族

以上四十族共八千四百四十三戶三十九族共四千八百八十九戶雍正間  
定族內人戶千戶以上設千戶一百戶以上設百戶一不及百戶者設百長一  
每千百戶下設散百長數人至乾隆末別定三十九族總百戶一百戶十三百  
長五十三後增爲百戶十六百長六十一

清史稿

志

兵志六

水師

水師有內河外海之分初沿海各省水師僅爲防守海口緝捕海盜之用轄境雖在海疆官制同於內地至光緒間南北洋鐵艦製成始別設專官以統率之其內河水師天聰十年自寧古塔征瓦爾喀以地多島嶼初造戰船天命元年以水師循烏勒簡河征東海薩哈連部落順治初以京口杭州水師分防海口八年始於沿江沿海各省循明代舊制設提督總兵副將游擊以下各武員如陸營之制各省設造船廠定師船修造年限三年小修五年大修十年拆造十年以水師克舟山增造戰艦擴充兵額十四年增設崇明水師總兵官調撥江寧江蘇安徽各省標兵萬人分防吳淞江及崇明諸口十六年增設京口左右兩路綠旗水師總兵官十八年設吉林水師營造斛船及划子船康熙八年增設福建水師總兵官十四年改崇明總兵官爲水師提督十七年設福建水師

提督及參將以下各官二十四年裁京口右路水師改左路水師爲京口總兵官二十六年增設南臺水師營置參將以下各官二十九年更定修造戰船之制外海戰船哨船自新造之年爲始三年後以次小修大修更閱三年或大修或改造內江戰船哨船則小修大修後更閱三年仍修治用之三十四年令督撫提鎮凡修理戰船銀兩不得浮冒核減致船料薄弱五十二年令趕繩等船於船之首尾刊捕盜各營鎮船名以次編列五十三年增設金州水師營於海島內選諳習水性者充之五十六年設松江水師營雍正二年令沿海各督撫出洋巡視其戰船向由地方官修造者改歸營員修造是年設乍浦水師營三年以滿洲兵丁未習水戰增設天津水師營以滿洲蒙古兵二千人隸之四年以福建水師常駐內地不耐風浪浙江水師尤甚乃更改舊制於本省洋面巡哨外每年選派船弁在閩浙外洋更番巡歷會哨以靖海氛五年以杭州駐防旗兵抽練水師江南駐防旗兵卽以鎮江原有戰船隸江寧將軍督率旗兵習水戰尋令旗兵四千人悉習水營事務令江南江西各水師營於弓矢鳥槍外

增練藤牌大刀鉤鎗槍過船槍鉞斧標彈等武器戰船分大中小三等增練排  
槍湖廣水師每兵千人增鳥槍四百桿六年令水師船廠附近省城者凡戰船  
造成在城之督撫提鎮會同驗看是年因浙江水師技藝生疏乃於福建水師  
中擇精練之兵赴浙江教練尋定浙江戰船用木之丈尺及船身深廣之制奉  
天水師亦如之七年以旅順水師不諳戰務撥福建水師營精卒赴奉天教練  
是年增浙江乍浦水師營八年撥江寧駐防兵八百人隸乍浦營旋因各省水  
師營承修造船之員逐層需索迨交收後復盜竊損毀各營皆然京口標兵尤  
甚令督撫嚴懲之九年以文武各員承修戰船每多貽誤竊竊叢生乃嚴治各  
員限期修竣以除巧脫中飽之弊十年令天津水師大小趕繕船所用梗木舵  
牙及藤蔑等具收存備用各省戰船設承修官以董造船之役由督撫提鎮委  
副將參將會同文職道府領價督修委都司會同文職府佐辦料修造隸將軍  
標者委參領等官辦理大修小修之年各營呈報有司題咨承修官具冊領價  
江南江西湖廣福建浙江廣東等省於屆修兩月前領銀備料臺灣瓊州於四

月前備料天津山東於八月前備料各營駕船赴廠承修官卽於次月興工如期修竣違則懲之其船名號各殊大小異式皆因地制宜山東登州膠州南北二汛海口趕縉船雙篷船福建大號趕縉船及二三號船雙篷船江西南湖營沙曉船天津大小趕縉船京口水師船蘇州狼山川沙吳淞水師船湖北湖南廣東各水師船之船身大小木板厚薄咸遵定制令道員會同副將等監視督造廣東外海內河戰船亦如之十一年定修造戰船限期直隸限四月福建臺灣限十月山東限六月江西大修拆造限三月小修限兩月江南限四月湖廣大修拆造限六月小修限四月浙江限四月廣東瓊州限六月其餘各廠均限四月十二年裁江蘇太湖營參將改設太湖協副將兼轄浙江太湖營游擊各官定爲內河水師管十三年議定天津福建浙江廣東各戰船所需物料或按年更新或越年更新乾隆元年議准江南各廠拆造及修理沙曉船縉船兩淮廠拆造沙曉船修造趕縉船於部價外加津貼銀兩有差各廠同之二年令山東登膠南北二汛額設雙篷船趕縉船屆修之年亦增津貼銀三年撥湖

北武昌水師駐漢口爲漢陽水師營中軍議准廣東各標管外海戰船拆造視修工大小加津貼有差五年因沿海各省戰船報部有缺少至十之二三者或侵蝕修船帑銀或賃與商人謀利令督撫嚴懲又諭浙江繪船拆修視江蘇省之例船舶視江蘇省沙噏船之例量加津貼五年復申禁沿海戰船缺少貨用之弊六年以臺灣遠隔重洋修造戰船仍循舊制其福建各船廠興泉道之泉州廠與興泉永三府協辦汀漳龍鐵之漳廠與汀漳龍三府協辦鹽法道承修之福建廠與延邵建三府協辦七年裁江蘇黃浦營弁兵改爲提標水師右營八年加福建三船津貼銀十二年加臺灣船廠運費十四年令外海內河水師戰船哨船修竣後承修官以船身丈尺及器具報有司毋損十五年以閩浙海洋絲亘數千里遠達異域所有外海商船內洋買舶藉水師爲巡護尤恃兩省總巡大員督飭弁兵保商靖盜而舊法未盡周詳自二月出巡至九月撤巡爲時太久乃令各鎮總兵官每閱兩月會哨一次其會哨之月上汛則先巡北洋後巡南洋下汛則先巡南洋後巡北洋定海崇明黃巖溫州海壇金門南澳

各水師總兵官南北會巡指定地方蟬遞相聯後先上下由督撫派員稽察至臺澎水師仍循曩例十六年令福建三江口營大小戰船按季整洗十七年令各省水師除江南省沙曉船巡快船福建省艦船船輕便易使廣東虎門協營沙礁迂曲外其沿海各省戰船一律製備頭巾插花借助風力以資巡哨巡船則仿民船隨時修整五十四年以外海內河戰船舊例酌留一半爲捕盜之用其餘各船次第屆期改造咸令展期三月福建浙江江南山東各省咸展期半年五十五年以搜捕海盜戰船拙滯允水師將弁之請仿民船改製戰船以期迅捷五十八年因廣東海盜充斥自南澳至瓊崖千有餘里水師戰船雖有大小百數十號僅能分防本營洋面不敷追捕致商船報刦頻聞曆年捕盜俱賃用東莞米艇而船隻不多民間苦累乃籌款十五萬兩製造二千五百石大米艇四十七艘二千石中米艇二十六艘一千五百石小米艇二十艘限三月造成按通省水師營視海道遠近分布上下洋面配兵巡緝以佐舊船所不及五十九年以浙江定海縣之舟山外有五奎山外洋船隻皆於此寄泊實爲海濱

要區於定海鎮標內酌撥弁兵更番戍守六十年以沿海戰船過於累重不便  
捕盜每屆修造需費尤多通飭各督撫屆修造之年俱仿民船改造以所  
節浮費爲外洋緝捕之用嘉慶二年浙江戰船俱仿民船改造山東戰船亦仿  
浙江省行之其餘沿海戰船於應行拆造之年一律收小仿民船改造以利操防  
五年諭各省水師向設統巡總巡分巡及專汛各員出洋巡哨奉行日久有以  
千總等代巡之弊嗣後令總兵官爲統巡副將參將遊擊爲總巡都司守備爲  
分巡遇有事故以次代巡不得以微員擅代山東水師向未有統巡等職名亦  
一律行之九年因各省師船向遷部頒定式僅能就近海巡查不能放洋遠出  
多改履商船出洋捕盜廷臣建議戰船改商船制度以收實用旋諭江蘇省濱  
海之區屢有盜刦所有舊式戰船令疆臣仿廣東福建浙江之例卽行改製十  
一年諭沿海疆吏當乾隆五十五年曾嚴飭統兵官實力訓練舟師乃日久玩  
生弁兵於操駕事宜全不練習遇放洋之時屢用舵工名爲舟師不諳水務嗣  
後通飭所轄各營勒期訓練一切帆舵各技務皆嫻習其最優者不次擢用惰

者懲之二十一年規復天津水師營汛以閩浙兩廣兩江各省所裁水師遵舊制募足額數改隸天津水師分營管轄二十二年增設天津水師總兵官以專責成道光四年諭福建疆臣前以閩省戰船運重駕駛不便曾裁汰十五船其餘俟拆修之年令承修官仿同安梭船式一律改造嗣後閩洋米艇緝捕仍不得力其已改造之勝字六號米艇八艘無須裁汰外所有屆修之捷字六號一二艘存管之勝字一號十號兩艘修竣之勝字三號一艘悉行裁撤十年令直隸浙江福建統兵官增撥哨船梭巡南北洋面是年定水師人員一年試驗之制各統兵官隨帶出洋親加考驗又嚴定改用外海水師人員之制其外省世職及陸路呈改人員有才具可用或曾立功績者由督撫保題十三年整頓浙江省水師增造闊船舢舨十五年以各省水師廢弛憚於出巡致滯案疊出嚴飭水師提鎮實力訓練緝捕十八年以各省戰船每屆修造之年承辦各員實辦理十九年令督撫提鎮禁將弁扣索之弊並甄汰劣員如有呈改召募不冒領中飽不能如式製造或以舊代新或操駕不勤刷至朽腐令統兵大臣核

得暇徇二十年以各省戰船修造草率並有遲延積壓各弊福建船廠所修成  
字四號大船甫經拆造即致破壞自道光六年至二十年積壓各船至三十艘  
之多承修各員悉予撤處各船應修之船一律嚴催其水師各船巡洋之餘各  
提鎮大員飭將弁操練煥洗毋任久泊海塲又因廣東虎門海口爲海防中路  
要區以西境之香山東境之大鵬爲左右兩翼嘉慶十五年設水師提督節制  
各路香山副將所轄水師兵力稍厚大鵬參將所轄弁兵僅九百餘人道光十  
年又分爲二營其所轄大嶼山及尖沙觜洋面爲夷船聚泊之所乃擇要建砲  
臺二座與水師相依護以澄海副將改爲大鵬協副將移駐九龍山增額設水  
師兼守砲臺增造大號中號米艇四艘快船二艘在水師各協營抽配弁兵巡  
緝洋面二十一年以外夷船堅炮利舊設外海水師強弱不敵等於虛設擬改  
水師爲陸師專防內地尋以海盜滋擾全恃水師緝捕廣東之虎門爲外海藩  
籬尤藉舟師之力乃定議緩裁二十二年以海上用兵專恃炮火令各疆臣訓  
練弁兵一律以施放炮位有準爲弁兵去取又以海上用兵二載閩粵江浙水

師迭致挫敗令四川湖廣等省采購巨木速製堅船駛往閩浙等省防守海疆  
尋因各省戰船如快蟹拖風擗縉八槳等船僅能用於江湖港汊新造之船亦  
止備內河巡緝難於海上衝鋒惟潘仕成捐資新製之船堅固適用炮亦得力  
並仿美利堅國兵船製造船樣一艘又仿英吉利國中等兵船之式調取各省  
工匠改造大船其例修師船一律停造以資挹注並以船炮圖說飭江蘇福建  
浙江三省督撫詳勘何者利用由廣東省製成分運各省又因湖北省所轄長  
江千餘里舊設宜昌鎮標荊州漢陽各水師營戰船不能載炮廣東匠役何禮  
貴曾爲外洋造船能造火輪及各式戰船飭赴湖北擇何項戰船利於長江駕  
馱卽就海船之式量爲變通裕泰擬造之開浪船於海戰未宜罷之二十三年  
飭沿海各提鎮於每歲出洋及巡洋事畢所經情形悉以上聞三十年因浙  
江省水師廢弛飭有司整治船炮嚴禁奸民接濟海盜並令沿海將領按時出  
洋會哨又令山東疆臣以三汛師船四縣水勇合而爲一統以專員往來策應  
並於扼要島嶼設置大炮咸豐元年以長江轉境絲長令張亮基等購置船炮

擇要駐守三年調廣東外海水師拖罟戰船及快蟹大扒等船百艘統以大員  
山海道駛赴江寧助剿粵寇是年江忠源疏請廣製戰船以靖江面旋令兩廣  
督臣以廣東拖罟船式咨行四川湖廣各督撫或在本省或在湖北宜昌一帶  
迅簡工匠造水師船百餘艘每船載兵五十人於三月內竣事兼飭湖南湖北  
二省購船募兵與長江下游艇船協力防江旋以所購民船不合用乃收買江  
船之巨者仿廣東船式安置炮位與廣東所募紅單船及貨用拖罟船駛赴江  
南勦寇又以廣東內河及濱海各廳縣均有捐造緝捕快蟹船道光間江海捕  
盜悉藉其力船頭藏巨炮旁列子母炮勇丁咸技藝精練洵水戰最長令各船  
山海道至長江會師是年曾國藩試造師船於湖南以規模過小乃就廣東之  
拖罟船快蟹船二種參酌其製先造十艘續增二三十艘以能載千斤之炮爲  
度至拖罟船則由兩湖督撫如式製造四年令廣東質用之紅單船二十三艘  
並修治十九艘凡四十二艘統一武員駛入長江是年以粵寇竄擾東南水師  
不敷勦堵下游惟廣東紅單拖罟等船漸集瓜洲上游惟曾國藩新造戰船自

湖南順流而下已達武昌其九江安慶等處尙無戰艦令張亮基駱秉章購置江船及釣鈎等船裕瑞夏廷樾在四川采購材料與駱秉章商辦旋駱秉章以四川造船江險而途遠水程不便仍在湖南購料製造兩湖紳士丁善慶遵旨國藩所定之式已成大板艇五十號長龍等船亦次第告成長江勦寇在江南取勝者以紅單船拖罟船二種爲最體勢雄壯置炮最多而能順風不能逆風宜江面寬闊不宜港汊在湖南取勝者以舢舨船長龍船快蟹船三種爲最往來輕便搜捕尤宜而風急水溜一下難於遽上勢散而力單令湖南水師沿江攻勦與江南水師會合各用其所長以期制勝六年以曾國藩在江西所造戰船最爲得力令福濟選擇將弁率工匠赴廬州仿造所需洋炮在上海撥欵辦解六年胡林翼以長江水師自五年春間回駐武漢以後戰艦無多乃與駱秉章協商督率船炮局各員盡力籌謀水師復振湖南紳局所製船械交至管中者大小戰船凡三百餘艘火藥四十餘萬斤炮子一百四十萬斤其餘各械咸備請優詔獎之水師重在炮位廣東運到洋炮二百尊續添六百尊配置各師

船自武漢至九江所向克捷惟長江水戰上下游形勢不同武漢以上利用輕便戰船潯皖以下江面漸廣利用巨艦秋冬風勁宜巨艦春夏宜小艇船炮之大小宜因時因地而損益之請令兩廣督臣續購大小洋炮自四百斤至一千五百斤凡八百尊盡易舊式炮位以利東征八年以天津原設水師道光間先後裁撤乃籌復設以重海防令福建廣東疆吏各抽調大號戰艦備齊炮械由海道駛赴天津設水師三千人十年令清淮籌防局籌欵爲防湖水師常年經費增設淮揚水師營以保兩淮鹽場兼佐陸軍蕪湖孤懸水中令曾國藩籌設甯國水師以攻蕪湖爲克金陵之本增設太湖水師爲克蘇州之本同治二年諭沿海督臣舉水師將才又令曾國藩所部內江水師都興阿所部揚防水師有勝外海水師之任者各舉以聞四年在山東省仿長江戰船之式造長龍舢舨板船於黃河水性駕駛合宜以水師泊黃運二河防堵逸寇必須分段扼守而地勢綿長不敷調遣復由山東增造長龍船並增舢舨十艘以武職大員督領巡防五年改造江南海口之紅單廣船三十艘合原有廣艇凡四十艘分防

海口六年整頓福建臺灣海防增置龍船等船七年曾國藩議改水師之制以  
江南水師向分外海內河二支外海水師六千七百七十六名武員一百十八  
人內河水師八千二十一名武員一百三十三人船數則近稽道光二十四年  
江兩舊例水師船二百七十五艘朽壞居多別造舢舨船一百三十五艘大船  
船十二艘約計各船不過載兵二千數百人而額定之兵數尙有萬餘人徒費  
餉項有水師之名無舟楫之實宜大爲變通講求實際江蘇水師其營制餉章  
悉仿長江水師之例外海之紅單廣艇亦略增其餉與李鴻章丁日昌諸臣協  
力籌辦期於外防與內盜並謀舊制與新章兼顧俟章程既定沿海福建廣東  
各省水師均可酌改行之八年部臣定議從曾國藩所陳改江蘇水師爲內洋  
外海裏河三大支以資控禦裏河水師以原設提標右營太湖左營右營及增  
設淞北淞南二營爲五營隸提督統轄舢舨船每營船數不等一律興修不得  
缺額所有太湖七營改爲裏河五營其裁員歸并提標序補馬新貽等續議九  
江水師營改城守營設陸汛四處鄱陽營改陸汛二處洞庭水師營改龍陽城

守營岳州水師營酌留水兵隸陸路管轄荊州水師營酌留弁兵有差九年諭定安等以甯靈各軍運餉艱難增造炮船由黃河運送所有大小戰船三十二艘編爲一營設統帶等官十年沈葆楨以外海兵船製成應簡知兵大員督率操練尋以福建水師提督李成謀爲兵船統領是年曾國藩以江南水師章程初議十四條嗣由馬新貽等增爲二十五條乃減刪減歸并定爲二十一條外海六營以次巡哨內洋五營分定汛界裏河五營分定汛界淞南營淞北營太湖左營太湖右營酌增戰船水師營所遣陸汛移并留防京口三營陸汛炮隄分別管轄改定轄營及留設守備要汛多留陸兵定將弁處分則例規定各營船數酌定外委員數酌定裁缺薪糧營官建衙署地方各營座船之數官兵額定數目書吏名數兩蓬旗幟等費官兵糧額各船酌用槍炮數目各船酌用火藥鎗炮彈綜計餉項之數下所司核議行之十一年丁寶楨調撥福建省所製安瀾兵輪赴山東洋面巡緝瑞麟調撥福建省小號兵輪赴奉天海口巡緝光緒四年裁去廣東輪拖巡船水勇二千三百餘人五年以各省舉辦水師奉天

直隸山東江蘇浙江福建廣東次第駐泊兵輪編制水師而沿海各省形勢不同操法未能一律吳淞口爲南北海疆適中之地乃命江南提督李朝斌爲外海兵輪統領督率各省大小兵輪定期在吳淞口會操六年以新置蚊炮船便利合用續向外洋購置數十艘募福建廣東沿海精壯之民爲水師分屯北洋各海口七年以奉天旅順口原有旅營艇船朽壞弁兵疲弱悉行裁汰歸陸師巡防別以快炮防海時丁汝昌由英國率戰艦回國爲中國水軍航外海之始乃擢丁汝昌爲水師提督八年以江南形勢先海後江朝議擬以長江水師提督駐吳淞口狼山福山崇明三鎮標隸之以江南提督移駐淮徐改福建水師提督爲閩浙水師提督尋左宗棠彭玉麟議覆以海防不外戰守二端戰宜宜厚集兵力守宜因勢設險仍循舊制爲宜福建水師自裁兵加餉後實存水師六千九百餘人旂營水師三百餘人各營拖弩龍船快艇等大小戰船實存四十艘臺灣澎湖戰船六艘大小兵輪十艘宜聯合浙江省水師會操官制則仍循其舊九年以廣東內河之肇慶河面縣長六百餘里僅有小巡船二十餘艘

不敷分布九龍洋面水淺大船難於行駛乃於二處各增設淺水兵輪船十年試造尖底舢舨分布海口旋以船質弱小罷之十一年彭玉麟以海防日亟議設水師總統於吳淞分設二鎮一駐直隸大沽凡盛京直隸山東江南各海口戰船隸之一駐福建廈門凡浙江福建臺灣廣東各海口戰船隸之兩鎮每年周巡海口會哨於吳淞是爲南北洋水師建議之始十二年議裁減浙江沿海水師旋浙撫劉秉璋以舊額戰船二百五十餘艘粵寇亂後購造不及半數光緒八年裁水師船十三艘停修舊船三艘已符裁兵三成之數惟巡洋之紅單船十一艘不在額設裁減之例十四年因臺灣疆土日闢改安平水師副將爲臺東陸路副將改鹿港游擊爲安平水師遊擊任新設地方鎮守之職十五年以福建內河水師炮船舊額共九十八艘頻年裁撤實存三十艘每船配置水師六人專任巡緝內洋十六年調撥福建海壇水師駐防福清縣屬以靖海盜十七年於湖南選鋒水師中前後左右營內撥一千六百餘人分防辰州沅州常德等處撥澄湘水師岳州等處撥長勝毅安水師四百餘人分防辰州沅州常德等處撥

三百餘人分防衡州等處以專責成是年因奉天遼河下游舊有巡船上游則僅有陸隊兼巡未有水師乃增置長砲炮船一艘舢舨船八艘於練軍內選撥弁勇核巡遼河上下及省南之洋河十九年令提督黃翼升校閱長江提標五營上江十三營下江四營定訓誠之規禁陸居戒嗜好勤練藝屏虛文不得蹈綠營之習日久玩生閩浙贛臣會議以浙江省有元凱超武二兵輪福建省有伏波琛航靖遠三兵輪與沿海水師協力緝捕而浙省水師船自裁減後僅存五十餘艘閩省自馬江戰後僅存艇船二十九艘乃在寧波海口貿用紅單等船八艘酌撥弁兵以靖海盜二十四年令江蘇省之外海內洋裏河太湖四支水師一律酌裁水勇二十五年以安徽省江防在下游者爲東西梁山建有炮隄炮臺在上游者爲閩江磯前江口及省城之江心洲咸有炮臺而缺乏水師乃撥澄清營炮船二十五艘及長江水師之蕪湖裕溪大通安慶華陽各營聯絡防守又令長江五省督撫各派將領不分畛域嚴密設防二十六年以奉天鳳皇廳沿海一帶素稱盜藪曾由北洋撥兵輪巡洋其支港各處宜屯泊水師

乃於大孤山太平溝沙河三口岸各造兵船三艘酌配水師巡緝三十四年因浙江杭嘉湖三府捕匪兵單於原有水師中抽練游擊一隊駐嘉興府增練游擊三隊分布嘉興湖州各河港以游擊小隊駐杭州省城賃用上海商人之小輪船十艘曳帶兵梭船巡水道以期迅捷在南洋船塢造淺水兵輪船四艘配快炮八尊江蘇亦製淺水兵輪船四艘協同內河水師仿歐西各國章程編爲聯隊以資防勦此整治水師之概略也其兵額之增減船械之配置各省隨時編定外海水師北自盛京南訖閩廣凡拖繪紅單等船隸焉內河水師各省巡哨舢舨等船隸焉奉天直隸山東福建水師船均屬外海江西湖廣水師船均屬內河江南浙江廣東水師船分屬外海內河其別練之師有巡湖水師巡鹽水師親兵營練軍營同治以後增定長江水師太湖水師之制視舊制加詳矣其巡防之規外海水師巡防盛京以協領爲總巡佐領防禦驍騎校爲分巡直隸等沿海各省以總兵官爲總巡副將以下爲分巡各於所治界內率水師沿海上下更番往來詰姦禁暴兩界相交之處戒期會哨以巡緝情形申報所屬

將軍總督提督委員稽察若因風阻滯各廠到界之日具報其每歲定期以二月四月五月爲始至九月事竣回營有引避不巡或巡而不周遍者論如軍律其內河水師巡防之制長江自四川巫山而東出三江口至湖廣界經岳州武昌興國至江西界經九江江寧京口等處東至於海各省將軍總督提鎮分委旗標弁兵沿江游巡及界而還自康熙以後以外海利用巨艦內河利用輕舟故船制屢改而轄境遼闊水師兵額時有增加遇有戰事增船尤多征吳三桂之役命尚善率舟師入洞庭湖取岳州及鄂贛統水師增造烏船百艘沙船四百三十八艘置水師三萬人征臺灣之役命萬正色督率湖南浙江戰船二百艘由海道赴福建姚啟聖亦修戰船三百艘水師二萬人旅琅之克澎湖用戰船三百艘水師二萬人旅世驥之平朱一貴用大小戰船六百餘艘乾隆間征緬甸之役命湖廣船匠造船於蠻暮取道金沙江以攻緬甸兼調福建廣東水師助之李長庚之勦海寇在福建造大船三十艘名曰霆船配置大炮四百尊合閩浙水師全力轉戰重洋遂平蔡牽道光以後海警狎至木質舊船不敢外

洋鐵艦之堅利同治五年始仿歐洲兵輪船式於福建省開廠製造輪船江蘇初設輪船四艘十一年廣東山東各設輪船一艘奉天設小輪船一艘咸配置水師其後沿海各省購置兵輪歲有增益舊式水師戰船分別裁汰至光緒中葉綜各省外海內河實存師船之數奉天外海繪船十艘直隸外海長龍船二艘先鋒舢舨船四十八艘山東外海拖罟船十四艘內河哨船六艘江蘇外海輪船二艘艇船八艘內洋輪船二艘舢舨船六十艘內河舢舨船艇船三百八十五艘長江舢舨船七十六艘督陣舢舨船七艘長龍船十艘巡哨舢舨船一百二十八艘安徽舢舨船二百八十二艘長龍船十五艘八圍船一艘槍划十艘護卡巡船十五艘督陣舢舨船七艘輪船二艘江西長龍船十五艘舢舨船二百六十三艘督陣舢舨船六艘輪船一艘福建外海長龍船一艘舢舨船十九艘小艇十四艘哨船十四艘龍舡船二艘挖艤船一艘內河炮船三十艘浙江外海釣船二十七艘艇船十二艘龍艚船十七艘哨船二艘快船一艘內河大舢舨船五十八艘中舢舨船八十四艘飛划船四十九艘長龍船座船二百

十三艘槍船八艘炮船五艘湖北督陣大舢舨船八艘長龍船十二艘舢舨船一百八十艘湖南督陣大舢舨船四艘長龍船四艘舢舨船六十艘廣東外海大小輪船二十二艘巡船十四艘拖船十艘長龍船一艘扒船一艘內河兩艘槳船一艘艍船一艘槳船四十艘巡船一百九十六艘急跳船十五艘平底槳船二艘快哨船二艘快船十四艘快槳船七艘船艍船四艘艍船二艘各省戰船成分隸標營擇地屯泊以時會哨外海師船以海軍規制漸立僅任沿海捕盜之責各省內河師船均仿長江水師舢舨船之式惟巡緝等船分巡支河汊港利用輕捷船制少殊耳其漕河水師營制始於明代隆慶間清代略更其制以衛卒專司輓運漕糧以營兵專任護漕別設城守營守護城池分漕院與巡撫爲二漕運總督標下統轄左右中三營及城守四營駐山陽境及漕運要地分別置兵淮郡舊爲黃淮二河交注之區特建兩大閘設河兵及堡夫守之河營遂與漕營並重各有副將參將游擊守備等官河營升遷之例與軍功等專司填築隄防之事而緝捕之責不與焉清代水師武功之盛守洞庭而平吳逆

戰重洋而殲蔡牽下長江而制粵寇東南數千里威行桴鼓勞臣健將踏厲功  
名超踰曩代及海禁宏開鐵船橫駛舟師舊制弱不敵堅遂盡失所恃時會迫  
近非規畫之疏也凡直省舊額船數分防之制分列於篇曰東三省曰直隸曰  
山東曰江南附太湖湖標清標各水師曰浙江曰福建曰廣東曰廣西曰湖南  
曰湖北曰安徽曰長江水師

東三省沿海各口岸以金州旅順口爲尤要清初卽有水師之制松花江嫩江  
貫注吉林黑龍江二省腹地所設水師營汛由吉林而北抵墨爾根黑龍江一  
帶至光緒間旅順築海軍港屯駐鐵艦迥殊曩制其東部之圖門混同江上時  
有俄羅斯戰艦侵軼非舊制師船械弱兵單所能控制矣列經制水師於後奉  
天旅順口於順治初年設水師營以山東趕縉船十艘隸之始編營汛康熙十  
五年設水師協領二人佐領二人防禦四人驍騎校八人水兵五百人五十三  
年由浙江福建二省船廠造大戰船六艘由海道至奉省駐防海口金州水師  
管隸城守尉水兵百人吉林水師營順治間設四五六品官光緒十四年增設

總管一人六品官二人齊齊哈爾水師營康熙二十三年設總管一人四品官二人六品官二人造船四五六品官各一人領催八人水兵二百六十八人後增至五百六十八人大戰船二艘二號戰船十五艘康熙四十年撥歸黑龍江十艘雍正間撥歸墨爾根六艘存大小戰船二十五艘江船五艘划子船十艘墨爾根水師營康熙二十三年設四品官一人領催一人由本城協領兼轄凡戰船六艘水兵四十三人雍正間增戰船六艘黑龍江水師營康熙二十三年設總管一人五品官二人六品官二人領催八人戰船三十艘水兵四百十九人四十年自齊齊哈爾撥船增之凡大戰船十艘二號戰船四十艘江船十艘划子船十艘

直隸省水師始於雍正四年設天津水師營都統一人駐天津專防海口水師凡二千人省內各河咸歸陸汎無內河水師乾隆八年增設副都統一人水師千人大小趕網船二十四艘夥仔船八艘三十二年以海口無事徒費餉糈全行裁汰嘉慶二十一年復設水師千人旋設大名鎮以水師總兵歸并大名實

存守備一人參將一人千總二人把總三人水師四百九十一人嘉慶十九年直隸督臣那彥成以官兵虛設兵船多朽疏請裁撤仍并入大名鎮咸豐八年以海疆多警增設海口六營於大沽南北兩岸修築炮臺凡大炮臺五座平炮臺十座大炮九十九尊水師三千人以五百人爲一營分編左右六營九年改爲一千八百人同治八年督臣李鴻章疏請酌定管制設大沽協副將駐新城海口防守炮臺光緒元年李鴻章於大沽北塘等處增建炮臺購置歐洲鐵甲快船碰船水雷船以海軍將領統之不隸舊制協標之內其內河水師船始於同治間仿長江水師之制設督標水師中管管帶官一人哨官三十二人水師四百七十六人舢舨戰船三十二艘駐三岔河口親兵總哨官一人哨官十四人水師二百二人舢舨戰船十四艘駐西沽口

山東順治元年始於登州府設水師管領以守備千總等官凡沙噐船邊江船十三艘水兵三百八十六人駐紮水城分防東西海口十五年移沂州鎮於膠州改膠州水師爲陸營十八年移臨清鎮於登州以隸屬城守管之水師改爲

前營水師康熙四十三年增設游擊二員及守備以下各官增水師爲千二百人改沙曉船爲趕繒船爲二十艘分巡東西海口東至寧海州西至萊州府分駐水城巡哨北海五十三年以前營水師移駐膠州巡哨南海後營水師爲前後二營各專其職四十五年以前營水師移駐膠州巡哨南海後營水師赴旅順口僅存前營水師游擊等官趕繒船十艘分南北二汛以游擊守備分轄兵船之半雍正七年每船增兵十人兩汛共增兵百人增雙蓬船七艘每艘配兵三十人南汛船三艘北汛船四艘北汛增將弁一人九年又增設船三艘增兵一百九十人每船共配兵四十人南北汛各五艘十二年增將弁六人又於成山頭增設東汛水師抽撥南北汛趕繒船各一艘雙蓬船各一艘分配戰守兵撥南北汛將弁四人配船巡哨成山馬頭等一帶與各汛會旗總歸水師前營管轄以本鎮統之列定制於後前營水師游擊守備各一人千總二人把總四人外委千總二人外委把總四人水戰兵八百人守兵二百人趕繒船十艘雙蓬船十艘每船各帶腳船一艘南汛膠州之頭營子游

擊一人把總二人外委千總把總各一人趕縉船四艘雙篷船四艘共配戰守兵四百人南境巡哨至江南交界之鶴游山東至榮成縣馬頭脊與東汎會旗東汎駐養魚池千總把總各一人外委千總把總各一人趕縉船四艘雙篷船四艘共配戰守兵四百人南境巡哨至馬頭脊與南汎會旗北境巡哨至成山頭與北汎會旗北汎駐登州府水城中軍守備千總把總各一人外委把總二人趕縉船四艘雙篷船四艘共配戰守兵四百人南境巡哨至成山頭與東汎會旗北境巡哨至陞城島與直隸水師盛京水師分界

江南水師順治初年江蘇松江等營各有捕盜小快船四十艘常州鎮江等營各有一二十艘不等自康熙七年查毀沿江海各營出海之船其內河快船亦從裁汰嗣巡撫馬祐提督楊捷疏請蘇松常鎮四府各塘汎設水師巡船三百二十五艘以靖水盜雍正元年江蘇浙江督撫會商以太湖連跨二省夙爲盜藪乃於湖濱各口增設水師營汎巡船分界巡防其湖內各地係二省交會者今參將各率水師會同巡緝雍正五年令京口八旗營仿天津水師之制設京



船二艘巡船一艘金山營巡船十三艘柘林營巡船四艘青村營巡船二艘小  
哨船一艘南匯營大罟船二艘小哨船四艘川沙營捕匪大罟船三艘放大罟  
船三艘大罟船二艘小哨船二艘小號二艘哨船二艘劉河營巡船八艘吳淞  
營沙船三艘蘆犁船四艘福山營沙船四艘官渡船四艘巡船十六艘後改爲  
福山鎮標設總兵以下各官太湖營沙船快船巴虎船共三十二艘後改爲太  
湖協標設副將以下各官常州營巡船二十九艘江陰營噏船二艘巡船七艘  
靖江營噏船二艘楊舍營巡船二艘鎮江城守營順治十五年設鎮守蘇松水  
師總兵官分中左右水師三營各設沙船九艘趕縋船五艘尋改爲參將等官  
設巡船二十三艘江南督標游兵營順治初年隸操江巡撫標下設游擊以下  
各官大噏船一艘小噏船二十七艘康熙元年裁并入督標奇兵營順治初年  
隨操江巡撫赴安徽省駐防改爲太平右營設游擊以下各官康熙元年裁并  
入安慶營瓜洲營順治二年設守備以下各官專防江北水汎噏船八艘康熙  
元年改爲參將並入江南督標十一年改爲瓜洲城守備噏船八艘其各縣分

防水師寶應汛船十五艘汜水汛船十四艘永安汛船二十三艘高郵汛船十六艘江都汛船十四艘淮安廟灣營順治初年設游擊以下各官沙船五艘唬船四艘佃湖營雍正九年由廟灣營分防設都司以下各官沙船三艘巡船四艘唬船一艘內河巡哨船一艘營城營順治三年設守備以下各官唬船四艘小巡船四艘乾隆十一年改爲唬船一艘巡海哨船二艘三號四號沙船二艘小巡船四艘小關營雍正十一年由鹽城營分防設都司以下各官沙船二艘唬船一艘快船一艘海州營順治四年設游擊以下各官小巡船五艘康熙三年并入東海營增設沙唬船十艘東海營順治初年設守備以下各官十八年裁撤康熙十八年復設其分防汛地鷹游內外洋汛船船二艘大浦汛商船二艘海頭汛唬船一艘臨洪口汛哨船二艘高公島汛沙船一艘江蘇撫標左右營順治四年設參將以下各官左營巡船十艘右營巡船十艘蘇州城守營順治四年設參將以下各官巡船五十八艘平望營順治三年設游擊以下各官巡船十七艘初裁提督標乾隆以後改裁巡撫標巡船二十艘福山營自提督

標分防設游擊以下各官其沙船四艘巡船六艘官渡船四艘船數仍如曩制  
道光間以海疆要地改爲鎮標設總官以下各官分爲中左右三營淞北營原  
隸督標內河水師同治十一年改隸江南提標水師增設副將以下各官仿長  
江水師之制設舢舨板船十六艘淞南營同治十一年改隸裏河淞北協標增設  
游以擊下各官仿長江水師之制設舢舨板船座船凡三十七艘江北狼山鎮標  
順治十八年設總兵以下各官分中左右三營中營趕繪船一艘沙船一艘唬  
船三艘渡船五艘左營趕繪船一艘沙船二艘唬船三艘渡船六艘右營趕繪  
船六艘沙船一艘唬船四艘渡船三艘泰州營順治二年設游擊以下各官趕  
繪船二艘沙船二船掘港營順治三年設守備以下各官唬船三艘康熙二十  
三年以京口將軍標下沙船二十二艘唬船十八艘隸狼山鎮標爲海口巡防  
水師二十八年以戰船四艘仍撥歸京口四十八年改爲中左右三營中營趕  
繪船三艘沙船二艘左營趕繪船三艘沙船三艘右營趕繪船四艘沙船二艘  
唬船四艘雍正十年實存大小水師船二十二艘十三年右營增小哨沙船一

艘同治五年增設綏通綏海二營隸長江水師提督江南福山鎮標道光二十三年設總兵以下各官分中左右三營以舊有之福山營水師爲福中營蘇松奇營水師爲福左營楊庫水師爲福右營中營舊設巡船十五艘日久朽壞無存以沙船四艘增換閩頭舢舨船五艘左營設大小舢舨船八艘右營設大小舢舨船五艘同治九年改定管制以中營并入左右營以左營原轄之海門廳屬西半洋沙等汛隸通州營以左營分中左右三哨分駕巡船十二艘出巡洋面以右營駐防陸路各汛太湖水師始於雍正間太湖連跨蘇州常州湖州之境爲全吳巨浸湖中風浪與江海異故巡湖水師船制亦殊其衛所巡司則以巡船水師則以哨船雍正二年設太湖營游擊千總把總各一人五年以大錢汛口爲浙江省瀕湖要道增守備千總各一人把總三人戰守水兵原額千人歷年裁併實存水戰兵一百八十六人守兵四百七十二人分防各處用頭汛兵一百八十五人沙快船五艘西山汛兵六十九人沙快船二艘浙江烏程汛兵一百九十七人沙快船九艘伍浦汛兵六十九人快巡船九艘南浦汛兵一

百七人快巡船九艘七年以沙船六艘爲湖中大汛巡防其餘改小號巡船二十艘巡緝支河小港九年分水師爲左右二營左營守備駐簡村列汛凡六當震澤縣界千總一人駐鮎魚口列汛十有二當吳縣吳江震澤界把總二人一駐東山列汛凡八當吳縣界一駐吳江列汛凡八當吳江震澤界右營守備駐周鐵橋列汛凡六當宜興陽湖界千總一人駐馬山列汛十有四當常州無錫陽湖界把總二人一駐龍山列汛凡七當吳縣界一駐鳳川列汛凡七當宜興荆溪界乾隆間設副將以下各官水師戰船凡巴噠船十六艘沙船三艘大快船七艘小快船三十二艘至道光間存巴噠船十六艘沙船二艘大快船六艘小快船二十艘槳船十艘迨咸豐年粵匪亂後營伍船械全失同治間重整水師盡易舊制仿長江營制設大湖協標二營舢舨戰船三十六艘此江南水師之制也其長江水師之在江南省者爲瓜洲鎮標轄瓜洲營孟湖營三江營江陰營戰船兵額與各省長江水師同河道總督標管凡二十營雍正七年以漕標右營改隸河標設巡船九艘山清裏河上管康熙十七年設船六十八艘

河下營雍正六年由裏河營分設船十三艘外河上營船一百十四艘山安海防河營雍正七年由外河營分設船五十四艘高堰上營康熙三十八年由盱眙營分設船三十四艘山盱下營雍正七年由高堰營分設船十七艘桃源安清營康熙三十八年設船二十三艘揚河上營康熙十七年設船八十二艘揚河下營雍正七年設船十四艘徐河南北營雍正六年設船三十艘邳睢河營順治初年設船七十五艘宿虹南北營順治初年設船百艘桃源南北營順治初年設船六十八艘宿遷運河營雍正六年設船十九艘凡河防各營設守備以下各官大小各船分浚船柳船二類修防河工以營制部勒之漕運總督水師標營分中營左營右營城守四營以中左右三營任護漕之責以城守四營任地方之責駐山陽境及漕運所經之地其運輓漕糧則以衛卒任之

浙江水師杭州協錢塘水師營順治初年設守備各官兵一百十五人籠子門汛兵七十九人新城汛兵三十人塘棲汛兵九十三人錢江汛兵七十七人富陽汛兵一百五十人防守河莊山唬船四艘運河內河快唬船十一艘錢塘

江渡馬船六艘乍浦水師營雍正二年以定海鎮右營改歸乍浦設參將各官  
水戰兵二百四十人守兵二百七十六人戰船十艘內洋岑港轉洋面汎三十  
三內洋瀝港轉洋面汎十五內洋岱山轉洋面汎十九嘉興協營設副將各官  
駐防府城兵四百三十二人快唬船五艘海鹽汎兵一百七十五人快唬船三  
艘乍浦汎兵二百十三人快唬船二艘澉浦汎兵百人快唬船一艘石門汎兵  
一百十人快唬船四艘桐鄉汎兵七十六人快唬船二艘濮院汎兵六十人  
快唬船三艘新城汎兵四十人快唬船一艘平湖汎兵九十九人快唬船三艘  
嘉善汎兵七十人快唬船二艘嘉興汎兵六十九人快唬船二艘王江涇汎兵  
五十六人快唬船二艘雍正十年裁撤快唬船二十艘改造大號巡船二十艘  
小號巡船二十艘分配各汎湖州協營設副將各官駐防府城兵四百七十六  
人快巡船十三艘左營分防雙林汎兵五十人快巡船三艘德清汎兵三十四  
人快巡船四艘新市汎兵四十二人快巡船四艘含山汎兵四十二人快巡船  
四艘菱湖汎兵三十九人快巡船五艘右營分防泗安汎兵五十人快巡船三

艘長興汎兵四十四人快巡船二艘武康汎兵二十人快巡船一艘馬要汎兵二十人快巡船一艘烏鎮汎兵二十四人快巡船一艘南潯汎兵五十八人快巡船六艘菁山汎兵十六人快巡船一艘梅溪汎兵八十人快巡船二艘紹興協營設副將各官水師一千八百七十二人用衛所之制設臨海觀海二衛瀝海三江二所雍正十年設周家路水師汎置紹字一二號巡船二艘寧波府順治三年設水師營參將一人分左右二營水戰兵四百人守兵四百人十四年設寧台溫水師總兵官及以下各官康熙九年設水師提督及左右二路總兵官七年罷之設總兵官一人轄中左右水師三營兵三千人春秋二汛率戰船出洋巡緝其戰船之數隨時增改順治三年水師左右二營大小戰船五十二艘九年定海鎮左右二營戰船四十九艘十四年水師左右前後四營戰船二百二艘康熙元年水師前左右三營戰船一百七十三艘九年定海鎮中左右三營戰船八十艘增設哨船二十艘歷年裁汰定爲水艦船十二艘犁縛船七號水艦中艦船一艘中號犁縛船五艘沙船七艘雙篷艦船十三艘唬船二艘

哨船二十艘象山城守營設將副各官哨四艘海口汎兵一百五十人哨船十  
艘雍正四年裁存四艘昌石營設都司等官汎兵五百六十五人戰船六艘鎮  
海營原設定海水師左右二營雍正二年改設鎮海營參將各官汎兵二百三  
十五人哨船八艘台州府順治十四年設寧台總鎮十五年改水師提督尋改  
總兵設黃巖鎮標三營水師二千七百七十五人戰哨船二十五艘海門駐游  
擊等官前所駐都司等官右營分防海洋七汎玉環山干江雞齊山標桃嶼石  
塘龍王堂沙護中營分防海洋六汎郎幾山黃礁門深門三山老鼠嶼川礁左  
營分防海洋八汎聖堂門米篩門白岱門牛頭門靖寇門狗頭門山茶盤山迷  
江山溫州府順治三年設副將各官十三年改總兵官設鎮標中左右水師三  
營戰哨船二十二艘中營水戰兵六十五人守兵一百五十二人戰船九艘快  
哨船二艘釣船三艘分巡二處一專防防三盤口水師百六十二人戰船二艘  
一專長沙海洋水師一百二十八人沙戰船二艘分防汎地凡七曰覽惠黃大  
舉三盤大門長沙鹿西雙排左營水戰兵六十八人守兵一百七十三人戰船

九艘快哨船二艘分巡二處一專防鳳山汎一專防南龍海洋分防汎地凡五  
曰鳳皇山銅盤山南龍山大瞿山白腦門右營轄陸地汎兵瑞安水師營設副  
將各官水戰兵九十八人守兵一百四十三人內洋巡哨戰船四艘外洋巡哨  
戰船五艘快哨船四艘釣船二艘分巡二處一專防北關洋水師七十人戰船  
一艘一專防官山洋水師五十人戰船一艘分防汎地凡六曰北關官山金鄉  
惠甞舊山南鹿山四大嶼玉環水師營設參將等官水戰兵一百四十五人守  
兵二百五十四人八槳船四艘戰船四艘快哨船四艘左營轄陸地汎兵右營  
水師一百八十四人戰船四艘分巡二處一專防坎門水師六十五人戰船一  
艘一專防長嶼水師三十四人戰船一艘內洋凡三汎曰烏洋梁灣黃門外洋  
一汎曰沙頭左右營萃水師一百八十四人戰船一艘輪巡洋面又江口水師  
一百八十四人戰船四艘雍正二年額定四種戰船曰水船船曰趕縉船曰雙  
篷船曰快哨船其六槳船八槳船雍正七年後所增設也

福建水師順治十三年始設福建水師三千人號船哨船趕縉船雙篷船百餘

艘康熙二十四年裁撤雙蓬船八十艘以二十艘分防臺灣及澎湖島雍正三年於福州漳州臺灣三處各設船廠製造外海內河大小戰船七年設泉州船廠修造各提鎮協標水師戰船福州船廠承修四十六艘泉州船廠承修四十八艘漳州船廠承修五十二艘臺灣船廠承修九十六艘乾隆十六年令三江口戰船按季燁洗三十三年裁撤哨船五十艘嘉慶四年令戰船悉改同安船式五年裁撤內地額設戰船三十艘增造米艇船三十艘編爲勝字號七年以福寧府陸路鎮標左營改爲水師左營駐三沙海口編新字號戰船十二艘十年增臺灣水師同安接船三十艘編爲善字號分設臺灣協標中左右三營十一年增米艇八艘編爲捷字號又增大橫洋梭船二十艘分編爲集字號十艘成字號十艘分防內地十三年裁撤中號小號梭船十七艘十四年增集字號成字號大同安梭船二十艘捷字號米艇八艘十五年裁撤臺灣港口善字號船二十一艘於鹿耳門增守港師船十六艘編爲知字號增八槳快船十六艘編爲方字號十六年裁撤各營中號小號梭船三十七艘道光二年裁撤捷字

號米艇勝字號米艇共十五艘餘改爲一二三號同安梭船之式七年裁撤臺灣水師營知字號方字號船共三十二艘善字號船九艘別造白底船三十二艘編爲順字號十六艘濟字號十六艘分撥臺灣協標中左右三營澎湖協標該艦營其外海戰船名號凡十類曰題繪船曰雙篷船曰雙篷船曰平底哨船曰圓底雙篷船船曰白艤船船曰哨船曰平底船曰雙篷哨船曰平底順船內河戰船名號凡九類曰八槳船曰六槳平底小巡船曰花駕座船曰八槳哨船曰小八槳船曰中八槳船曰大八槳船曰花官座船曰哨船各船水師多寡之數以船之大小爲衡提督標分中左右前後五營中營戰船九艘左營八艘右營八艘前營十艘後營十艘總督標水師左營戰船二艘金門協標後改鎮標左營戰船十艘右營八艘閩安協標左營戰船七艘右營七艘福寧鎮標左營戰船十艘烽火營戰船十一艘南澳鎮標戰船十艘銅山營戰船十一艘臺灣協標中營戰船十九艘左營十四艘右營十六艘澎湖協標左營戰船十七艘

右營十六艘艋舺營十四艘

廣東水師自順治九年設官弁千人嗣設總督標水師駐肇慶府分爲中左右前後五營中營二艘槳船一艘急跳船一艘左營槳船二艘急跳船一艘舢舨船三艘右營槳船二艘急跳船二艘前營急跳船二艘舢舨船四艘後營槳船一艘急跳船一艘舢舨船三艘水師營二艘槳船十四艘四艤槳船六艘急跳船六艘四會營四字號槳船三艘新會營急跳船一艘急跳槳船一艘小舢舨船二艘後改肇慶城守協標轉左右營四會營那扶營永安營以新會營改隸提標水師之順德協巡撫標轉水師左右營廣州協左右營三水營前山營順德協左右營新會左右營增城左右營大鵬營永靖營光緒二十九年裁廣東巡撫以各營分隸提督標及廣州城守協水師提督標康熙元年設駐惠州府轄四營嘉慶後移駐虎門分中左右前後五營香山協左右營順德協左右營新會左右營大鵬左右營赤溪協左右營清遠右營廣海寨營永靖營凡六艤船十一艘八艤船四艘十艤船二艘十二艤船二艘米艇十一艘撐縉船六艘

快槳船二十七艘淺水槳船十二艘巡航船十四艘二舡船六艘四舡船十二艘  
船四艘嗣後裁廣海寨營以清遠左右營隸三江口協標以永靖營改隸撫  
標又改隸城守協標增設赤溪左右營南澳水師鎮標左營戰船十艘屬福建  
省右營趕繒船九艘艍仔船六艘八槳船二艘澄海協左營船船二艘艍仔船  
二艘烏艍船一艘快槳船三艘右營趕繒船一艘船船二艘艍仔船一艘烏船  
船一艘快槳船二艘海門營趕繒船二艘船船二艘艍仔船四艘快槳船四艘  
達濠營船船二艘艍仔船一艘快槳船一艘碣石水師鎮標康熙八年展界分  
中左右三營米船十艘哨船一艘平海營康熙元年以惠州協右營駐平海所  
雍正四年設平海營隸鎮標一號趕繒船一艘二三四號船船三艘五六七八  
號拖風船四艘一號快船一艘歸善城守營船船十三艘惠來營屬陸路  
潮州鎮標分中左右三營城守營快船五艘饅平營快船四艘黃岡協左右營  
左右哨船二艘右營哨船二艘北海鎮標及城守營康熙初年設二十三年改  
設龍門水師協標分左右二營左營水師八百二十三人右營八百十一人共

大米艇三艘中米艇四艘小米艇一艘撈縉船三艘網船一艘乾隆二十年後  
實存趕縉船二艘船船四艘拖風船一艘快馬船三艘舊轄有廩州營大小戰  
船二十七艘後改隸高廉水師鎮標高廉鎮標陽江營嘉慶十五年以南詔連  
鎮標左翼兵移駐陽江設陽江鎮標左營大米艇五艘撈縉船二艘右營大米  
艇三艘撈縉船一艘後改隸高廉鎮標電白營雙篷船七艘吳川營外海雙  
篷船二艘外海拖風船三艘槳船二艘廩州營舊爲乾體營大戰船十三艘  
龍艇六艘哨船五艘康熙四十二年改爲珣州營存趕縉船三艘網船六艘拖  
風船十二艘外海雙篷船四艘快槳船七艘東山營大米艇一艘撈縉船二艘  
雷瓊鎮標康熙二十七年設分左右二營趕縉船二艘船船六艘快哨船六艘  
雍正間增快哨船十艘嘉慶十五年改稱水師營左營水師八百七十六人右  
營水師八百八十八人海安營康熙初年設副將各官八年改設游擊隸鎮標  
大小哨船凡二十艘白鵲寨營順治初年設參將各官大小哨船九艘康熙間  
裁撤存哨船三艘海口營嘉慶十五年設水師協標左營水師四百九十二人

右營四百八十五人後改參將並左右營爲一營崖州水師協標中管屬陸路右營水師一二三號拖風哨船三艘四五六號艦船三艘又廣東駐防八旗營水師乾隆十年設領催等三十人水師四百七十人分左右二營匠役十二人教習副工兵百人

廣西水師舊設駐柳州後移駐龍州康熙二十一年以梧州地居兩廣之中扼三江之要分額設弁兵之半於潯南一帶設哨船巡防其後惟梧州潯州平樂南甯慶遠各府有經制水師爲數無多至光緒初年以灕江左江右江水程絲亘盜賊充斥設水師五營嗣因餉細并爲三營旋增募勇丁凡巡哨船一百四十艘兵丁一千三百餘人仍苦不敷分布乃復設水師五軍以水程之長短定師船之多少自桂林府至平樂府爲中軍汛地設將領四人巡船四十艘兵五百人自梧州府至潯州府爲前軍汛地設將領二人巡船二十艘兵三百五十二人自平南府至南寧府爲左軍汛地設將領三人巡船三十艘兵三百七十六人自慶遠府至武宣爲右軍汛地設將領四人撥車扒船四艘巡船三十六

艘兵五百三十六人自南甯府至百色等廳河面爲後軍汎地設將領三人扒船八艘巡船二十艘兵四百二十四人此光緒季年之制也其舊設水師弁兵船數列後梧州府水師三營設副將各官水師千人塘船十三艘快船六艘舢舨船三十八艘慶遠府協標左營兼轄水師咱船二艘平樂府水師咱船四十七艘廣運營八槳咱船七艘柳兵咱船七艘大亮營八槳咱船一艘柳兵咱船一艘大定營八槳咱船一艘柳兵咱船十二艘潯州府左營兼轄來賓江口水師咱船勒馬汎水師咱船南甯府隆安縣水塘十八處咱船十五艘水師一百四十人橫州水塘二十處咱船三艘水師三十四人永淳縣水塘九處咱船一艘水師十人

湖北水師武昌府城守營舊有水師營設守備以下各官乾隆二年撥入漢陽營任江漢巡防之責武昌省城存城守營內河巡咱船五艘下游道士洑營巡江船三艘漢陽城守營兼轄水師營戰船三艘虎戰船一艘漢川虎戰船二艘黃州協營巡江船三艘蘄州城守營巡江船二艘荊州水師營設守備以下各

官戰船二十五艘巡江船二艘宜昌府水師順治十三年設彝陵鎮轄水師前後二營康熙十九年改爲彝陵水師協標乾隆元年改爲宜昌鎮標仍設水師前後二營戰船三十艘小帆船十一艘經粵寇之亂舊制無存同治間設長江水師其屬湖北省者爲漢陽水師鎮標轄漢陽營田鎮營簰洲營巴河營其戰船兵額與各省長江水師同制

江西水師清初設九江鎮標水師管南湖水師管鄱湖水師管唬船二十艘分防水巡各營設塘船一艘康熙元年改九江鎮標爲九江協標水師七百七十三人增設沙船三十艘水汛巡哨船十七艘乾隆間實存沙船八艘唬船二十三艘後改爲城守營同治八年裁撤城守營其南湖水師管鄱湖水師管自設長江水師後亦皆裁撤長江水師之屬於江西省者爲湖口水師鎮標轄湖口水營吳城營饒州營華陽營安慶營戰船兵額與各省長江水師同制

安徽省水師安慶鎮標壽春鎮標及游兵營泗州營均有戰船順治初年安慶鎮標游兵營隸操江巡標撫康熙元年改隸江南總督標泗州營舊隸江南提

督標後改隸安徽巡撫標安慶鎮標分防懷甯桐城望江東流貴池銅陵及江西彭澤縣等處大噏船一艘小噏船二十二艘游兵營分防和州無爲含山銅城繁昌蕪湖當塗等處及江蘇之江甯縣大噏船一艘小噏船二十七艘壽春鎮標潁州營哨船二艘泗州營扒噏船四艘經粵寇之亂師船盡毀同治間設長江水師屬安徽省者爲長江提督標中營駐太平府裕溪營蕪湖營大通營金陵營戰船兵額與各省長江水師同制

湖南水師清初設辰州洞庭二營康熙二十八年裁辰州水師改設岳州水師管歸岳州管參將兼轄設守備各官頭舵戰兵六十八人水步戰兵六十五人水守兵一百四十八人分防岳州府城及東西湖上下江二汛自雍正至嘉慶迭有增減存頭舵戰兵三十四人水步戰兵三十九人水守兵一百四十二人戰船十八艘洞庭水師管原設洞庭協標嘉慶二年以洞庭副將都司移駐常德改常德爲協以常德游擊守備移駐洞庭改洞庭協爲水師營設游擊各官戰兵一百九人守兵四百三十六人戰船十二艘分防小船游巡小船各十艘

分駐龍陽縣及東西湖各汛承平日久將弁兵丁咸居陸地船敝不修舊制浸廢咸豐三年曾國藩治水師於湖南造船練兵以長龍船舢舨尤爲便利粵寇定後至同治八年裁撤水勇設長江水師在湖南境者設岳州鎮標四營爲岳州營沅江營荊州協標營陸溪營原設之岳州水師歸并岳州城守營原設洞庭水師歸并龍陽城守營咸豐軍興以後常於省城駐水師二營湘潭駐水師一營衡州駐水師一營益陽縣則由省城撥師船駐防常德駐水師一營底州駐一營靖州之洪江駐一營澧州則由常德撥師船駐防又於岳州安鄉合駐水師一營不在經制水師之列而分地駐巡參錯布置實與經制水師相輔云

長江水師道光季年各省內河水師及沿江水師船多朽敝值操練之期虛衍儀式粵寇東犯無以制之咸豐三年江忠源始建制艦練兵之議四年命侍郎曾國藩治水師於衡州造拖罟快舡長龍舢舨各船惟舢舨尤爲輕捷制勝長龍船次之大率水師一營設長龍船一二艘舢舨或十餘艘或二十餘艘

以拖罟船快蟹船守營不以出戰其後水師日增悉廢拖罟快蟹舊式之船專  
以舢舨船擢敵任彭玉麟楊岳斌爲水師統帥循長江轉戰東下克名城以百  
計躉巨憝於金陵同治三年東南底定曾國藩彭玉麟以江防重要疏請設立  
長江經制水師簡授長江水師提督一人得專摺奏事隸兩江湖廣總督節制  
率提標五營駐安徽太平府每歲於所轄湖南湖北江西安徽江南五省江面  
巡閱設岳州漢陽瓜洲湖口四總兵官每鎮標各統水師四營惟湖口鎮標五  
營以狼山鎮標水師二營並隸之凡二十四營總兵及參將游擊於收泊戰艦  
處所立汛建署爲營汛治事之地以船爲家不得在署常居都司守備各官以  
至兵丁不得陸居總兵座船三艘督陣舢舨二艘親兵十二人副將座船二艘  
督陣舢舨一艘長龍二艘親兵十二人游擊座船二艘督陣舢舨一艘長龍一  
艘親兵十二人都司二人各座船一艘長龍一艘守備二人各座船一艘舢舨  
一艘飛划一艘四噸千總八人各座船一艘舢舨一艘飛划一艘四噸把總九  
人各座船一艘舢舨一艘飛划一艘四噸外委十一人各座船一艘舢舨一艘

飛划一艘又外委一人管帶督陣舢舨有座船一艘無舢舨戰船之大者每艘或設兵二十人爲舵兵一人頭兵一人炮兵二人槳兵十六人或設兵二十五人爲舵兵一人船兵一人頭兵一人炮兵四人槳兵十八人舢舨船每艘設兵十四人總兵以下各官設稿書書誠自七人至一人不等以都司一人管駕長龍船爲領哨守備爲副領哨每哨戰船十艘惟岳州漢陽係游擊營制而統戰船三十三艘視參將例左哨都司專任錢糧右哨都司專任船炮軍械及巡查諸務大小戰船咸設炮位長龍船千斤頭炮二位七百斤邊炮四位艘炮一位舢舨船八百斤頭炮一位六七百斤哨炮一位船邊五十斤轉珠小炮二位洋槍刀矛之屬隨宜分配旗幟以桅旗爲主懸方式長龍旗凡長一丈二尺舢舨船旗長九尺船頭懸尖式龍旗書某標某營某哨桅上小旗或船首立旗書駕船將弁之姓以示區別凡駐師之處漁船由水師編號稽查以清盜源其疏防之責以哨官爲專汛營官爲本轄遇有盜刦視汛地所轄題參江鄂各營半年更調一次副將與副將之營互調參將游擊與參將游擊之營互調每營調居

客汎二次又調回本汎一次如承組盜案未獲則不得更調凡副將參將以下  
由本境巡撫節制總兵由總督節制土匪猝發須用戰船由督撫檄調境內水  
師往剿總兵奉檄卽發兵督撫調水師操練亦奉檄卽行其事涉重大者督撫  
會同長江提督疏陳其餘水營政務由長江提督主持餉糈之制將弁則視其  
職以定廉養公費兵丁月餉每名銀三兩有差全軍餉糈由沿江釐捐局指定  
支撥設火藥局於湖北安徽購硝斤於江蘇江西湖南設子彈局於湖南之長  
沙設造船廠於湖北之漢陽江西之吳城江南之草鞋夾戰船均三年一修十  
二年更換定水師事宜三十條未盡者續定十條銀米有稽銓補有章訓練有  
規鄭重江防嚴申禁約有犯必懲自荊州以達海門沿江數千里稱天塹雄師  
至光緒季年特命大臣查閱長江營伍實存長龍舢舨戰船七百六十二艘飛  
划船六百四十二艘水師弁兵一萬有七十九人其自荊州以上溯江至宜昌  
巴東漢陽以上溯江至襄陽鄖陽湖南之湘江沅江江西之吳城以上諸河各  
劃吏自設防營其淮河一帶自正陽關至洪澤湖及江蘇境各支河水師隸淮

陽鎮標光緒間改設江北提督凡清江營洋河營廟灣營仙湖營洪湖營葦蕩營咸隸之自鎮江以東內河各汛及太湖水師五營則統以江南提督凡各省內河有水師者悉改舊式一準長江水師其海口原有之狼山鎮福山鎮仍如前制由鎮將督率大號戰船巡防內海惟狼山鎮兼隸長江水師提督每營設大舢舨船二十艘並仿紅單拖罟船式設大號戰船數艘多置炮位爲巡緝內洋之用其長江水師營制防汛列後岳州設總兵官置中軍中營游擊戰船三十三艘仿參將營之例分防自城陵磯至鹿角壘石瀘陵潭湘陰一帶沅江設參將屬岳州鎮左營分防君山西湖及常德龍陽華容等河通洞庭湖之處其沅湘等水汛由湖南省別行設防荊州設副將屬岳州鎮後營分防自荊州以下江面石首監利一帶至荊口止陸溪口設游擊屬岳州鎮前營分防自荊州河以下江面螺山新堤及倒口內之黃蓋湖漢陽設總兵官置中軍中營游擊戰船三十三艘仿參將營之例分防自沌口以下江面至團風等處並防省城兩岸後湖青林湖其漢水上通樊城千餘里及各河汊由湖北省別行設防

牌洲設參將屬漢陽鎮後營分防自倒口以下江面至沌口兼防金口以內之斧頭湖巴河設游擊屬漢陽鎮右營分防自團風以下江面黃州蘭溪至道士洑兼樊口以內之梁子湖田家鎮設副將屬漢陽鎮前營分防自道士洑以下江面漳源口新州武穴至陸家觜兼防漳源口及隆平以內之湖湖口設總兵官置中軍中營游擊分防自陸家觜以下江面至九江老洲頭吳城設參將屬湖口鎮左營分防自湖口以內姑塘南唐渚磯一帶饒州設參將屬湖口鎮後營分防都昌鄱陽康山一帶其彭蠡湖東境各湖南達省城贛江由江西省別行設防華陽鎮設游擊屬湖口鎮右營分防自老洲頭以下江面彭澤縣香口至東流等處兼防吉水溝以內各湖安慶府設副將屬湖口鎮前營分防自東流以下江面黃石磯李陽河至樅陽兼防北岸鹽河及樅陽以下南岸通殷家匯之河太平府設長江水師提衛署置中營軍中營副將分防金柱關以下江面至烏江大通設參將屬提標後營分防自樅陽以下江面池州土橋至荻港蕪湖設游擊屬提標右營分防自荻港以下江面至裕溪口並灣沚青弋江等

處裕溪口設參將屬提標左營分防東西梁山江面至金柱關兼防連濟無爲州各內河及巢湖百餘里水汎金陵草鞋夾設參將屬提標前營分防烏江以下江面至通江集兼防江浦六合內河瓜洲設總兵官置中軍中營游擊分防通江集以下江面至焦山兼防內河至揚州自揚州以上高郵等湖由淮揚鎮別行設防孟河營設游擊屬瓜洲鎮右營分防南岸各夾江自焦山至江陰口其南岸內河由松江提標別行設防三江營設游擊屬瓜洲鎮左營分防北岸各夾江自焦山至靖江口其北岸內河由淮揚鎮別行設防江陰設副將屬瓜洲鎮前營分防自江陰以下江面而鹿苑港及壽興等河其鹿苑港以下由福山鎮標接防狼山鎮總兵循舊日之制增水師二營兼隸長江提督原統中左右三營鹽捕揚州三江泰州泰興掘港各營悉仍其舊惟通州設綏通營置游擊各官分防自靖江八團港以下江面至通州凡長龍戰船二艘督陣舢舨一艘舢舨十艘大舢舨十艘仍酌增紅單拖罟等船海門廳設綏海營置副將各官分防自狼山至海門北岸江口海汊凡長龍戰船二艘督陣舢舨二艘大舢

板二十艘仍酌增兵輪船及紅單拖罟等船甚崇明南岸海汊由江南提督別行設防綜長江經制水師副將六營參將七營游擊十一營凡二十四營